

四庫全書

史部

欽定四庫全書

史部

御批資治通鑑綱目卷二十一

詳校官修撰

臣錢棨

編修

臣程嘉謨覆勘

總校官降調編修

臣

倉聖脉

校對官中書

臣

陸湘

謄錄監生

臣

許思光

欽定四庫全書

御批資治通鑑綱目卷二十一

起庚申晉穆帝升平四年○凡二十五年
盡甲申晉孝武帝太元九年

庚申四年
慕容暉建熙元年
春正月燕主僞卒太子暉立

初燕主僞寢疾謂太原王恪曰今二方未平景茂冲
幼社稷屬汝何如恪曰太子雖幼勝殘致治之主也
臣何敢干正統僞怒曰兄弟之間豈虛飾邪恪曰陛
下若以臣能荷天下之任者豈不能輔少主乎僞喜
曰汝能為周公吾復何憂李績清方忠亮汝善遇之
召吳王垂還鄴至是疾篤召恪及司空陽鷟司徒評
將軍慕容興根受遺輔政乃質實
卒太子暉即位年十一
注見漢獻帝建安十

年五

二月燕以慕容恪為太宰專錄朝政太師慕容興根伏誅

燕人以太原王恪為太宰專錄朝政上庸王評為太傅陽鶩為太保慕容興根為太師參輔朝政根自恃勲舊心不服恪欲為亂乃言於恪曰主上幼冲母后干政俟畢山陵殿下宜自取之恪曰公醉邪何言之悖也吾與公受遺詔云何而遽有此議根愧謝而退恪以告吳王垂垂勸恪誅之恪曰今新遭大喪二鄰觀釁而宰輔自相誅夷恐乖遠近之望且可忍之根又言於可足渾后及燕主暉曰太宰太傅將謀不軌臣請帥禁兵誅之后將從之暉曰二公國之親賢先帝託以孤嫠必不肯爾安知非太師欲為亂也乃止根又思戀舊土謀欲還東恪乃密奏根罪狀誅根并其黨與時新遭大喪誅夷狼籍內外恟懼恪舉止如常

人不見其有憂色每出入一人步從或說以宜自嚴
備恪曰人情方懼當安重以鎮之奈何復自驚擾恪
雖綜大任而朝廷之禮兢兢嚴重每事必與司徒評
議之虛心待士諮詢善道量才授任人不踰位朝臣
或有過失不顯其狀隨宜他叙時人以為大愧莫敢
犯者或有小過自相責曰爾復欲望宰公遷官邪朝
廷初聞僞卒皆以為中原可圖**集覽**二鄰謂秦與晉
桓溫曰慕容恪尚在憂方大耳**集覽**二鄰國孤嫠孤
兒寡婦也**質實**上庸郡名注見周赧王十一年
狼籍注見唐僖宗乾符五年

三月燕遣慕容垂守蠡臺

燕所徵郡國兵去冬集鄴欲遣伐晉以燕主僞病大
閱而罷至是以燕朝多難互相驚動擅自散歸自鄴
以南道路斷塞太宰恪以吳王垂為征南將軍鎮蠡
臺孫希傳顏師騎二萬觀兵河南臨淮而還境內乃

安集覽

觀兵觀音貫觀示兵威也

質實

和九年鄴縣

名注見漢獻帝建安十五年

匈奴劉衛辰降秦

劉衛辰遣使降秦請田內地春來秋返秦王堅許之夏雲中護軍賈雍帥騎襲之大獲而還堅怒曰朕方以恩信懷戎狄而汝貪小利以敗之何也黠雍以白衣領職遣使還其所獲慰撫之衛辰於是入居塞內貢獻集覽夏雲中夏字為句全本作夏四月也雲中屬下句注見秦王政三年

秋八月朔日食既

書法

食既大變也漢惠之末五月食既八月而有

大喪於是八月食既明年而有

大喪終綱目

書食既十有二未有無其應者免
者其惟漢明帝乎詳漢惠帝七年

○桓溫以謝安為征西司馬

安少有重名前後徵辟皆不就寓居會稽以山水文
籍自娛雖為布衣時人皆以公輔期之士大夫至相
謂曰安石不出當如蒼生何安每遊東山常以妓女
自隨會稽王昱聞之曰安石既與人同樂必不得不
與人同憂召之必至安妻劉惔之妹也見家門貴盛
而安獨靜退謂丈夫不如此也安掩鼻曰恐不免耳
及弟萬廢黜安始有仕進之志時已年四十
餘桓溫請為司馬安乃赴召溫深禮重之
質實會
郡名注見漢和帝永元元年安石謝安表字一統志
云東山在紹興府上虞縣西南四十五里晉太傅謝
安居此中丞高崧嘗戲安曰卿高卧東山人言安石
不出將如蒼生何蒼生亦將如卿何今絕頂有謝公

調馬路白雲明月二亭遺跡又謝
靈運嘗於此讀書有石壁精舍

冬十月烏桓獨孤部鮮卑沒奔干降秦

獨孤部及沒奔干各帥衆數萬降秦秦王堅處之塞
內陽平公融諫曰戎狄人面獸心不知仁義其稽顙
內附實貪地利非懷德也不敢犯邊實憚兵威非感
恩也今與民雜居彼窺郡縣虛實必為邊患不如徙
之塞外集覽獨孤東胡烏桓別部之號也沒奔干東
堅從之集覽獨孤東胡烏桓別部之號也本姓沒名奔干後
曰以姓名為質實陽平郡名注見孝武
部落之號質實帝太元九年館陶

燕李績卒

太宰恪欲以績為右僕射燕主暉不許恪屢以為請
暉曰萬機之事皆委之叔父伯陽一人暉請獨裁之

出為章武太守以憂卒

集覽

伯陽李質實

一統志云章武古地名漢為東平舒縣屬

渤海郡東漢屬河間國晉為章武國治後魏改章武郡北齊廢郡置平舒縣隋屬景州唐屬瀛州五代改大城縣周屬霸州宋金元仍舊本朝因之屬順天府

書法

屬漢及晉諸臣卒不書官貶辭也此其貶歟綱目於僭國不皆卒諸臣其卒之者皆錄賢

也貶之則不卒之矣

辛酉五年

秦甘露三燕建熙二年是歲涼奉升平之號

春正月劉衛辰叛秦降

代○燕河內太守呂護遣使來降燕人圍之

呂護遣使來降拜冀州刺史欲引晉兵以襲鄴燕太宰恪將兵討之護嬰城自守將軍傅顏請急攻之恪

曰老賊經變多矣觀其守備未易猝攻然內無蓄積外無救援我深溝高壘坐而守之休兵養士離間其黨於我不勞而賊勢日蹙不過十旬取之必矣何質為多殺士卒以求旦夕之功乎乃築長圍守之

實

河內郡名注見漢桓帝延熹九年冀州注見秦二世二年信都

夏四月涼宋混卒

混疾甚張玄靚及其祖母馬氏往省之曰將軍萬一不幸寡婦孤兒將何所託混曰臣弟澄政事愈於臣但恐其懦弱緩機事不稱耳殿下策勵而使之可也混戒澄曰吾受國大恩當以死報無恃勢力以驕人又見朝臣皆戒之以忠貞及卒行路為之揮涕玄靚以澄為領軍將軍輔政

五月帝崩琅邪王丕即位

帝崩無嗣皇太后令曰琅邪王丕中興正統義望情地莫與為比其以王奉大統於是百官備法駕迎入

即位集覽

義望情地義謂大義望謂聞望情謂親情地謂地位四者皆莫比琅邪王也

秋七月葬永平陵質實

應統志云永平陵在天府上元縣境內

○燕拔野

王呂護奔滎陽質實

野王縣名注見周赧王五十三年
滎陽縣名注見秦莊襄王元年

○九月立皇后王氏

后濛之女也

尊何皇后為穆皇后○涼張邕殺宋澄冬十月張天錫誅之詔以張玄靚為涼州刺史西平公

張邕既殺宋澄與玄靚叔父天錫同輔政驕淫專權多所刑殺天錫誅之盡滅其族玄靚以天錫為大將軍輔政始奉升平質實涼州注見唐中宗景龍二年

秦滅張平○秦舉四科

秦王堅命牧伯守宰各舉孝悌廉直文學政事察其所舉得人者賞之非其人者罪之由是人莫敢妄舉而請託不行士皆自勵雖宗室外戚無才能者皆棄不用當是之時內外之官率皆稱職田疇脩闢倉庫充實盜賊屏息

呂護復奔燕

壬戌 哀皇帝隆和元年

秦甘露四年
建熙三年

春正月減田租畝收

二升○二月以庾希為徐兗刺史袁真監豫司等州軍事

希鎮下邳質實

下邳郡名注見漢高帝六年汝南郡名注見漢光武建武十九年

拜母貴人周氏為皇太妃考異

按尊立例曰尊曰尊某為某此當書尊誤作拜

燕呂護攻洛陽桓溫遣兵救之秋七月燕師引還

呂護攻洛陽守將陳祐告急桓溫遣庾希竟陵太守鄧遐帥舟師三千人助祐守之因上疏請遷都洛陽

自永嘉之亂播流江表者一切北徙以實河南朝廷畏溫不敢為異著作郎孫綽上疏曰昔中宗龍飛非惟信順協於天人實賴萬里長江畫而守之耳喪亂已來六十餘年河洛丘墟函夏蕭條士民播流江表

已經數世存者老子長孫亡者丘隴成行雖北風之
思感其素心目前之哀實為交切溫今此舉誠為遠
圖而百姓震駭豈不以反舊之樂賒而趨死之憂促
哉臣愚以為宜遣將帥有威名資實者先鎮洛陽掃
平涼許清壺河南運漕之路既通聞壑之積已豐豺
狼遠竄中夏小康然後可徐議遷徙耳奈何捨百勝
之長理舉天下而一擲哉綽少慕高尚嘗著遂初賦
以見志溫見綽表不悅曰致意興公何不尋君遂初
賦而知人家國事邪時朝廷憂懼將遣侍中止溫王
述曰溫欲以虛聲威朝廷耳非事實也但從之自無
所至詔從其計溫果不行溫又議移洛陽鐘虞述曰
永嘉不競暫都江左方當蕩平區宇旋軫舊京若其
不爾宜改遷園陵不應先事鐘虞述曰北風之思詩北
虞溫乃止七月護退希等亦還集覽北風之思詩北
嗒雨雪其霏惠而好我攜手同歸樂賒賒謂遲緩也
興公孫綽表字永嘉不競競彊也懷帝永嘉五年為

劉聰所獲故云永嘉不競也
左傳襄十三年楚實不競
質實竟陵郡名注見元帝建武元年

秦王堅臨太學

秦王堅親臨太學考第諸生經義
與博士講論自是每月一至焉

書法

晉書遣生徒秦書臨太學
中國為可愧矣特書予之

冬十二月朔日食○庾希退屯山陽袁真退屯壽陽質

實

山陽郡名注見漢成帝河平二年壽
陽郡名注見齊主寶卷永元二年

興寧元年

秦甘露五年
建熙四年

春三月皇太妃周氏薨

太妃薨于琅邪第帝就第治喪詔會稽王昱總內外
眾務帝欲為太妃服三年僕射江彪啓於禮應服總

麻帝猶欲服朞曰厭屈私集覽制三月記喪服小
情所以上嚴祖考乃服總麻屈私集覽制三月記喪服小
記曰三月之喪一時也又注見齊武帝永明五年服
朞朞服象歲之一周厭屈私情厭一妾反又於艷反
厭降屈抑也胡致堂曰禮曰為人後者為其父母降
此正禮也後世或致隆於所生服齊衰不杖朞而反
蒙不孝之譏今哀帝抑制私情從規諫質實江彪陳
而就正禮遂服總麻可為後世法矣子統之

書法

書書薨何帝母也綱目自戰國分王外其書薨
者非不成君廢帝廢后則諡為帝為后者也

不然則帝母也有功公主也非是無薨道
矣唐會昌以後方鎮大臣有書薨者誤也

夏五月加桓溫大司馬都督中外諸軍錄尚書事

溫以王坦之為長史坦之迷之子也又以郗超為參軍王珣為主簿每事必與二人謀之府中為之語曰
髯參軍短主簿能令公喜能令公怒溫氣槩高邁罕有所推與超言常自謂不能測傾身待之超亦深自結納珣導之孫也與謝玄皆為溫掾溫俱重之曰謝掾年四十必擁旄仗節王掾當作黑頭公皆未易才也玄安兄質實王坦之晉陽人郗超高平人惜之子奕之子也

姓

秋八月有星孛于角亢○涼張天錫弑其君玄靚而自

立考證

自立當作代之

張玄靚庶母郭氏以張天錫與政與大臣謀誅之事泄天錫皆殺之遂弑玄靚自稱涼州牧西平公時年

十六遣司馬奉
章詣建康請命

汝南太守朱斌襲燕許昌克之質實

汝南郡名注見漢光武建武十九年

許昌縣名注見漢獻帝興平元年

甲子二年

秦甘露六燕建熙五年涼西平悼公張天錫元年

春二月燕慕容評畧

地河南質實

河南郡名注見漢武帝元朔二年

○三月大開戶口令所

在土斷集覽

土斷注見武帝太康六年

謂之庚戌制

帝寢疾皇太后臨朝攝政

帝信方士言斷穀餌藥以求長生侍中高崧**集覽**穀

諫不聽尋以藥發不能親萬機太后復攝政

猶言辟穀也

注見宋主義符景平元年

書法

漢殤鄧太后桓梁太后再臨朝皆書猶魏馮氏胡氏唐武氏再臨朝皆書復此亦再臨朝

者也不書猶與復何非褚太后意也褚太后凡三臨朝皆非其意故綱目無譏焉臨朝若褚太后可矣特書攝太后謙也

夏四月燕陷許昌汝南陳郡

燕李洪敗晉兵於懸瓠汝南太守朱斌犇壽春陳郡太守朱輔退保彭城大司馬溫遣袁真等禦之溫帥舟師屯合肥燕人遂拔許昌汝**集覽**懸瓠縣名也屬南陳郡遣將軍慕容塵屯許昌汝南又注見梁

武帝太
清元年質實壽春縣名注見秦王政六年陳郡注見秦

始皇二十八年合肥縣名
注見漢靈帝中平五年

五月以王述為尚書令

述每受職不為虛讓其所辭必於不受及為尚書令
于坦之曰述故事當讓述曰汝謂我不堪邪曰非也
但克讓自美事耳述曰既謂堪之
何為復讓人言汝勝我定不及也

加大司馬溫揚州牧

時召溫入參
朝政辭不至

六月秦以張天錫為西平公質實

西平郡名注見漢宣
帝元康四年湟中

秋七月大司馬溫城赭圻

詔復徵溫入朝溫至赭圻詔止之溫遂
城赭圻居之固辭內錄遙領揚州牧

集覽

赭圻地

名也在赭實一統志云赭圻城名在太平府繁昌縣
姑孰

赭圻有詔止溫溫遂築城居於此處梁南陵縣嘗治
赭圻隋唐以來為鎮戍土俗至今猶稱故縣城揚州

注見漢獻帝興
平二年金陵

書法

城不書必關要而後書赭圻耳書城何溫仇
也故城未有書其人者斥大司馬溫城罪之

也是故桓溫擅城赭圻則斥書大司馬溫是年知
誥擅營宮城則斥書吳徐知誥五代癸巳年皆罪
其專也

秦苻騰謀反伏誅

秦汝南公騰秦王生之弟也以謀反誅時生弟質實猶有五人王猛曰不去五公終必為患堅不從質實汝南郡名注見漢光武建武十九年王猛劇人

燕徙其宗廟百官於鄴質實鄴縣名注見漢獻帝建安十五年○燕陷

河南諸城

太宰恪將取洛陽先遣人招納士民遠近諸塢皆歸之乃使悅希軍盟津孫興軍成臯初沈充之子勁以其父死於逆亂志欲立功以雪舊恥年三十餘以刑家不得仕及燕人逼洛陽陳祐守之兵不過二千勁自表求配祐効力詔補長史令自募壯士得千餘人以行屢以少擊衆摧破燕軍而洛陽糧盡援絕祐自

度不能守乃以救許昌為名留勁以五百人守之勁
喜曰吾志欲致命今得之矣悅希引兵畧河南諸城
盡取集覽盟津即孟津也注見漢帝立更始質實沈

吳興人父死于逆亂
事在明帝太寧二年

秦平陽公融等降爵為侯

秦王堅命公國各置三卿并餘官皆聽自采辟獨為
置郎中令富商趙掇等車服僭侈諸公競引以為卿
堅乃詔有司推檢辟召非其人者自今國官皆委之
銓衡非命士不得乘馬工商卑隸不得服金銀錦繡
犯者棄市於是集覽銓銓銓量衡平也所以質實平
五公降爵為侯量度人物而為之平也
郡名注見周威
烈王二十三年

乙丑三年

建泰建元燕
熙六年

春正月皇后王氏崩

書法

晉后書葬矣此則曷為不書是
春帝崩葬安平陵因以合葬矣

○劉衛辰復叛代王什翼犍擊走之

代王什翼犍性寬厚郎中令許謙盜絹二匹知而匿
之謂左長史燕鳳曰吾不忍視謙之面卿慎勿泄若
謙慙而自殺是吾以財殺士也嘗討西部叛者流矢
中目既而獲射者羣臣欲鬻割之什翼犍曰彼各為
其主鬪耳何
罪遂釋之

大司馬溫移鎮姑孰以弟豁監荆揚等州軍事實

姑孰

縣名注見明
帝太寧元年

書法

書移鎮書以弟專辭也

○三月帝崩琅邪王弈即位

帝崩無嗣皇太后詔以弈承大統

燕陷洛陽將軍沈勁死之

燕太宰恪及吳王垂共攻洛陽恪謂諸將曰卿等常患吾不攻今洛陽城高而兵弱勿畏也乃攻克之執沈勁勁神氣自若恪將宥之將軍慕容廆曰勁雖奇士觀其志度終不為人用遂殺之恪畧地至崤澠關中大震秦王堅自將屯陝城以備之燕以慕容鎮金墉吳王垂鎮魯陽恪還鄴謂僚屬曰吾前平廣固不能濟辟閭蔚今定洛陽使沈勁為戮雖皆非本情實有愧於四海朝廷嘉勁之忠贈東陽太守司馬公

曰沈勁恥父之惡致死以滌之變凶逆之族為忠義之門可謂能為子矣○恪為將不事威嚴專用恩信撫士卒務綜大要不為苛令使人人得便安平時營中寬縱似若可犯然警備嚴密敵至莫能近故未嘗敗

集覽

陝城漢地志弘農有陝縣今陝州治不能濟辟閭蔚穆帝永和十二年慕容恪攻段龕龕

之友辟閭蔚被創恪聞其賢而求之則已死矣是不能濟也

質實

見漢獻帝建安

十年金墉城名注見魏元帝咸熙二年陝城注見周顯王四十五年陝魯城縣名注見漢獻帝初平元年廣固城名注見穆帝永和六年一統志云東陽三國吳之郡名治長山縣晉屬揚州劉宋屬東揚州梁改置金華郡陳兼置縉州隋初廢縉州改金華郡以地屬吳州尋又置婺州治吳寧縣大業初廢州復為東陽郡治金華縣唐初復為婺州天寶初又改東陽郡乾元初復為婺州五代晉時改為武勝軍宋仍改為

婺州淳化初改軍曰保寧隸浙東路元復
置婺州路國朝改為金華府隸浙江道

葬安平陵質實

一統志云安平陵在應天府上元縣境內

○夏四月燕以陽

騫為太尉

騫歷事四朝年耆望重自太宰恪以下皆拜之而騫謙恭謹厚過於少時戒束子孫雖朱紫羅列無敢違犯其法度者

六月益州刺史周撫卒

撫在益州三十餘年甚有威惠詔以其子楚代之

秋七月會稽王昱為琅邪王考異

提要會上

考證

當作更立

會稽王昱為琅邪王固讓不受。謹按凡例更立曰更立是時昱固讓不受。稱會稽王故當補書。固讓不受以著其實。

昱固讓卒自稱會稽王

立皇后庾氏

后冰之女也

匈奴曹轂劉衛辰叛秦秦擊降之。○冬十一月梁州刺史司馬勲反圍成都大司馬溫遣江夏相朱序救之。

勲為政暴酷治中別駕言語忤意即於坐斬之。常有據蜀之志憚周撫不敢發及撫卒遂舉兵反自號成

都王引兵入劔閣圍成都溫質實江夏郡名注見漢表序為征討都護以救之獻帝建安十三年

朱序義陽平氏人劔閣注見漢後主炎興元年

以王彪之為僕射

丙寅帝奔太和元年秦建元二燕建熙七年

書法

帝廢為海西公矣史以海西公書此其書曰帝非何非即帝位六年矣不予溫之得廢之

也然則曷為名之孝武即位十四年而後海西公以薨書既無帝諡不稱其名則將何稱此綱目之變例也以為失國名之則過矣不可稱廢帝乎稱廢帝是予其廢之也

發明

此海西公也何以書帝奔不予桓溫之廢也夫帝者有天下之稱太和承統前朝在位初

無失德溫何得而廢之故書帝非則見不失為帝之尊而不書海西公則見溫不得而封之也然則何以名之夫諸侯不生名失地則名帝雖無罪見廢然尊居九五擅一國之名寵湯以七十里文王以百里尚能為政於天下帝在位六年固無顯過而德亦茂聞遂使強臣廢之易於反掌故綱目比之失地之君又以戒人君不可不自強於善爾書法若此豈不嚴哉

夏五月皇后庾氏崩○朱序及益州刺史周楚擊司馬

勲斬之考異

據上書勲反擊當作討斬當作誅

質實

周楚潯陽人撫之子

○代王

什翼犍遣使入貢于秦○秋七月葬孝皇后○秦寇荊州掠萬餘戶而還○冬十月以會稽王昱為丞相錄尚

書事加殊禮

入朝不趨贊拜
不名劔履上殿

書法

殊禮何入朝不趨贊拜不名劔履上殿是也
綱目備書者四惟蕭何得書賜畧之稱殊禮

者四惟梁冀會稽王書加餘
皆僭而已矣
詳漢高帝六年

燕寇兗州陷魯高平數郡質實

兗州注見周安王五年
濮陽郡名注見漢獻

帝興平二年兗州一統志云高平地名即古徐州之域
春秋時屬魯戰國屬宋秦屬碭郡漢屬山陽郡晉為高
平國及任城國地劉宋屬濟北郡後魏置濟州於碭
城隋改為濟北郡唐初復為濟州後廢之五代周復置
濟州治鉅野金徙治任城元初還治鉅野後陞為濟寧
路而於任城置濟州至正中省濟州而徙路治任城本

朝初改路為府後改府為州
以任城縣省入屬兗州府

○南陽督護趙億以宛城

叛燕遣趙盤戍之質實

宛城注見周報
王十七年宛

丁卯二年

秦建元三燕
建熙八年

春二月燕太宰慕容恪卒

恪疾病燕王暉親視之問以後事恪曰吳王垂文武
兼資管蕭之亞若任以政國家可安不然秦晉必有
窺窬之計質實管蕭謂齊之管仲漢之蕭何

書法

恪卒而闕國者至矣綱目聯書之所以戒也
綱目卒僭國臣二十一詳晉懷帝永嘉二年

於恪卒尤
深惜之

匈奴曹轂遣使如燕

秦王堅聞慕容恪卒陰有圖燕之計命殷發使如燕以西戎主簿郭辯為之副燕司空皇甫真兄腆及從子奮覆皆任泰辯至燕謂真曰僕本秦人家為秦所誅故寄命曹主貴兄常侍及奮覆兄弟並相知有素真怒曰臣無境外之交此言何以及我君似姦人得無因緣假託乎白暉請窮治之太傅評不許辯還為堅言燕政無綱可圖蓋機識變唯皇甫真耳堅曰以六州之眾豈得不使有智士一人哉殷尋卒泰分其部落為二使其二子**集覽**奮覆皆任秦奮覆二人名分統之號東西曹**集覽**並皇甫真之從子時皆為質任在秦家為秦所**正誤**從子奮覆皆任誅家謂其乃祖乃父**質實**西戎注見

漢光武建武二年

桓豁攻宛拔之獲趙盤質實桓豁譙國人彞○秋九月

以郝曄都督徐兗等州軍事○冬十月秦苻柳雙庾武舉兵反秦遣兵討之

秦晉公柳趙公雙與魏公庾燕公武謀作亂堅聞之徵詣長安柳據蒲坂雙據上邽庾據陝城武據安定反堅遣使諭以罷兵安位各齧梨以為信皆不從質實蒲坂地名注見周報注見漢光武建武八年安定郡名注見漢光武建武元年

代王什翼犍擊匈奴劉衛辰走之

什翼犍擊衛辰河冰未合命以葦絙約流漸俄而冰合然猶未堅乃散葦於其上冰草相結有如浮梁兵乘以度衛辰不意兵猝至遂西走什翼犍收其部質落什六七而還衛辰奔秦秦送還朔方遣兵戍之質

實

朔方郡名注見漢武帝元朔元年

戊辰

三年

秦建元四年燕建熙九年

春二月燕以慕容沖為大司馬

初太宰恪有疾以燕主暉幼弱政不在己太傅評多猜忌謂暉兄樂安王臧曰今南有遺晉西有彊秦常蓄進取之志大司馬總統六軍不可任非其人我死之後以親疏言之當在汝及沖汝曹雖才識明敏然年少未堪多難吳王天資英傑智畧超世汝曹若推以授之必能混壹四海况外冠乎慎無冒利而忘害又以語評及恪卒評不能用質實樂安郡名注見漢靈帝中平二年吳王謂慕容垂

秦苻廋以陝城降燕

秦魏公廋以陝降燕請兵應接秦人大懼燕范陽王德以為苻氏骨肉乖離投誠請援是天以秦賜燕也

天與不取反受其殃吳越之事足以觀矣宜命皇甫
真引并冀之衆徑趨蒲坂吳王垂引許洛之兵馳解
庾圍太傅總京師虎旅為二軍後繼傳檄三輔示以
禍福彼必望風響應太傅評曰秦大國也今雖有難
未可易圖朝廷雖明未如先帝吾等智畧又非太宰
之比閉關保境足矣庾遺垂及真牋曰苻堅王猛皆
人傑也謀為燕患久矣今不乘機取之恐異日有甬
東之悔矣垂謂真曰主上富於春秋太傅識度豈能
敵堅乎**集覽**吳越之事春秋吳伐越敗之越王勾踐請
猛乎**集覽**吳越之事春秋吳伐越敗之越王勾踐請
越伐吳吳王夫差請成於越范蠡曰天以越賜吳而
吳不取今天以吳賜越越其可逆天乎遂滅吳而東
之悔越滅吳遷吳王夫差於甬東吳王曰悔不用伍
子胥之言遂自剄死賈逵曰甬東越之東鄙甬江東
也索隱曰國語云甬勾東越地會稽勾章**質實**范陽
縣東海中洲也按勾章今明州鄞縣是也

注見漢帝玄更始二年涿郡陝縣名注見周顯王四十五年一統志云甬東古之郡名史記越滅吳欲置吳王於甬東即此處今寧波府鄞縣是也蒲坂地名注見周赧王十二年

三月朔日食○秋七月秦討苻雙武柳皆斬之考異斬

作誅○冬燕罷蔭戶

燕王公貴戚多占民為蔭戶國之戶口少於私家倉庫空竭用度不足悅綰請罷蔭戶盡還郡縣燕主驍從之使綰專治其事糾擿姦伏無敢藏匿出戶二十餘萬舉朝怨怒**集覽**糾擿姦伏猶以杖擿地而求路姦謂姦宄之人伏謂隱伏之事皆糾彈而擿發之擿地歷反

十二月秦拔陝城斬苻康考異前年書柳雙康武舉兵反此斬字當作誅

王猛等拔陝城獲魏公庾送長安秦王堅問之對曰臣本無反心但以兄弟屢謀逆亂臣懼并死故耳堅泣曰汝素長者固知非汝心也且高祖不可以無後乃賜庾死原其七子以長子襲魏公餘子嗣諸弟之無後者

質實

長安縣名注見漢惠帝五年

加大司馬溫殊禮考異

據凡例當書大司馬溫自加殊禮

位在諸侯王上

書法

殊禮何位諸侯王上也莽操皆書位諸侯王上此其止稱殊禮何畧之也然莽書升宰衡

位諸侯王上至操則以魏公操進位諸侯王上書是自進矣溫雖畧稱殊禮而書曰加大司馬溫蓋命猶上出也又愈於操矣終綱目書殊禮十詳漢殤帝延平元年

秦以仇池公楊世為秦州刺史

世亦稱臣於秦秦以為南秦州刺史質實仇池縣名注見惠帝元康七年南秦州注見漢光武建武

十一年下辨

己巳四年秦建元五年燕建熙十年夏四月大司馬溫帥師伐燕秦人

救之秋九月溫及燕人戰于枋頭不利而還袁真以壽

春叛降于燕

桓溫請與徐兗刺史郗愔江州刺史桓沖豫州刺史袁真等伐燕初愔在北府溫常云京口酒可飲兵可用深不欲愔居之愔遺溫牋欲共獎王室請督所部出河上愔子超為溫參軍取視毀之更作愔牋自陳

非將帥才加以老病乞閑地自養勸溫并領已所統
溫大喜即以愔為會稽內史而自領徐兗夏帥步騎
五萬發姑孰將自兗州伐燕郝超曰道遠河淺漕運
難通溫不從六月至金鄉天旱水絕使將軍毛虎生
鑿鉅野三百里引汝會于清引舟自清入河舳艫數
百里超曰清水入河難以通運若寇不戰運道必絕
因敵為資復無所得此危道也不若舉衆趨鄴彼必
望風逃潰北歸遼碣若能出戰則事可立決若恐勝
負難必務欲持重則莫若頓兵河濟控引漕運俟資
儲克備來夏乃進捨此二策而連軍北上進不速決
退必愆乏賊因此勢以日月相引漸及秋冬水更溢
滯北土早寒三軍裹褐者少恐於時所憂非獨無食
而已溫又不從遣攻胡陸拔之燕主曄使下邳王厲
逆戰敗還前鋒鄧遐朱序亦敗燕兵於林渚七月溫
至枋頭曄及太傅評大懼謀奔和龍吳王垂曰臣請
擊之若其不捷走未晚也曄乃使垂帥衆五萬以拒

溫垂表申脣封孚悲羅騰從軍暉又遣樂嵩請救于秦許賂虎牢以西之地秦羣臣議曰昔桓溫伐我燕不我救今溫伐燕我何救焉王猛曰燕雖彊大慕容評非溫敵也若溫舉山東進屯洛邑收幽冀之兵引兗豫之衆觀兵崤澠則陛下大事去矣不如與燕合井以退溫溫退燕亦病矣然後我承其弊而取之不亦善乎堅從之遣荀池鄧羌帥步騎二萬以救燕封孚問於申脣曰事將何如脣曰以溫聲勢似能有為然吾觀之必無成功何則晉室衰弱溫專制其國晉之朝臣未必皆與之同心必將乖阻以敗其事又溫驕而恃衆怯於應變大衆深入值可乘之會反更逍遙中派不出赴利欲望持久坐取全勝若糧廩愆懸情見勢屈不必戰自敗此自然之數也初溫使袁真攻譙梁開石門以通水運不克九月燕范陽王德帥騎屯石門李却帥兵斷溫糧道德使慕容宙帥騎一千為前鋒與晉兵遇宙曰晉人輕剽怯於陷敵勇於

乘退宜設餌以釣之乃使二百騎挑戰分餘騎為三
伏挑戰者兵未交而走晉兵追之宙帥伏擊之晉兵
死者甚衆溫戰數不利糧儲復竭又聞秦兵將至焚
舟棄輜重鎧仗自陸道奔還自東燕出倉垣鑿井而
飲行七百餘里燕將爭欲追之吳王垂曰溫初退必
嚴設警備簡精銳為後拒不如緩之彼幸吾未至晝
夜疾趨俟其氣衰擊之無不克矣乃帥八十騎行躡
其後溫果兼道而進數日垂曰可矣乃急追之及於
襄邑德先帥勁騎伏於東澗中與垂夾擊溫溫大破之
斬首三萬級秦苟池邀擊溫於譙又破之溫收散卒
屯于山陽深耻喪敗乃歸罪袁真奏免為庶人
真不伏表溫罪狀朝廷不報遂據壽春叛降燕
金鄉兖州縣即漢山陽郡東緡縣也晉置金鄉郡鉅
野注見漢獻帝興平二年引汝會于清漢地志汝水
源出弘農盧氏縣東南至新蔡入淮清水源出泰山
南流經沛至彭城經呂梁南入淮正義曰清河在淮

集覽

安州淮陰縣北二十里舳舻音軸盧漢書舳舻千里
注李斐曰舳船後施舳處舳船頭刺櫂處言其船多
前後相銜不絕說文云漢律名船方長為舳舻一曰
船尾也和龍晉成帝時燕築城於營州柳城之北龍
山之西命曰龍城後穆帝時燕有二龍見於龍山遂
命所居新宮曰和龍後契丹改和龍城曰黃龍府又
注見五代漢高祖晉天福十二年悉羅騰悉羅虜複
姓騰其名也虎牢關名即武牢也在鄭州滎陽縣周
穆王獵鄭圃七萃之士高奔戎捕虎生獻之天子命
為柙養於東虞因名其地曰虎牢見穆天子傳括地
志云河南成臯縣故虎牢也譙梁譙注見漢獻帝建
安十四年梁注見漢景帝三年輕劉注同上年劉輕
山陽揚州域晉分廣陵置山陽郡隋置楚州宋為淮
安軍括地志云楚州山陽縣本漢射陽縣也射音食
夜質實郝惜高平人鑑之子桓冲譙國人彘之子溫
反質實之弟京口郡名注見成帝咸和三年一統志

云金鄉後漢之縣名屬山陽郡以山為名晉屬高平國唐於縣置金州尋廢以縣屬兗州五代周屬濟州宋金仍舊元屬濟寧路本朝因之改屬兗州府汝水名注見漢成帝綏和二年清水名即清河水在淮安府清河縣治西即泗水之下流也源自泰安州經徐州流至邳州東境曰直河西境曰沙河又南下至縣西北三汊河口分為大小二清河南達于淮遼碣山名注見穆帝永和七年幽冀二州名幽注見唐高祖武德四年冀注見秦二世二年信都國河濟二水名注見周安王十五年下邳縣名注見漢高帝六年枋頭地名注見成帝咸和八年虎牢周之關名在開封府汜水縣西二里漢置成臯縣於此隋復為虎牢關唐改為武牢關歷代累經戰守本朝改為古峭關置巡檢司在焉石門注見漢明帝永平十二年輜重注見周顯王三十六年東燕縣名即古之胙國周公別子封胙伯於此春秋時為南燕國漢置南燕縣屬東

郡晉為慕容德據之號東燕縣隋始改為胙城縣屬滑州唐置胙州及析置南燕縣後州廢省南燕入胙城宋元仍舊本朝因之改屬衛輝府襄邑縣名注見漢順帝陽嘉二年東澗水名在河南府盧氏縣北源出鐵嶺流入城中析為衆渠灌漑蔬圃東南流入于洛山陽古地名漢為臨淮郡射陽縣地東漢屬廣陵郡晉末立山陽郡以境內有地曰山陽故名南齊仍為射陽縣地屬臨淮郡隋置山陽縣為楚州治宋置淮安軍縣亦改名淮安元初以馬羅軍寨置山陽縣後以淮安縣省入本朝因之為淮安府治所仍屬焉壽春縣名注見秦王政六年

書法

枋頭之敗孫盛春秋嘗直筆書之矣此其止書不利何存中國也開復之舉綱目常予之

書曰不利而還
不以外加內也

發明

溫之此舉大敗奔還所喪士卒甚多初非灞上之比而亦止書不利者示王師之體存中

國之義終不以此而屈於彼且為後人經畧之勸也其旨深矣

燕遣郝啓梁琛如秦

秦燕既結好燕使郝啓梁琛相繼如秦啓與王猛有舊猛接以平生問啓東方之事啓知燕將亡陰欲自託頗泄其實琛至長安秦王堅方畋於萬年欲引見琛琛曰秦使至燕燕之君臣朝服備禮灑掃宮廷然後敢見今秦王欲野見之使臣不敢聞命尚書郎辛勁謂琛曰天子稱乘輿所至曰行在所何常居之有又春秋亦有遇禮何為不可乎琛曰桓溫闕我王畧燕危秦孤是以秦主恤患結好交聘方始謂宜崇禮篤義以固二國之歡若忽慢使臣是卑燕也豈修好之義乎夫天子以四海為家故行曰乘輿止曰行在

今海縣瓜裂天光分曜安得以是為言哉禮不期而見曰遇蓋因事權行其禮簡畧豈平居容與之所為哉客使單行誠勢屈於主人然苟不以禮亦不敢從也堅乃為設行宮百僚陪位然後延之琛從兄亦為秦尚書郎堅使典客館琛於奔舍琛曰昔諸葛瑾為吳聘蜀與諸葛亮惟公朝相見退無私面今使之即安私室所不敢也非數問琛東事琛曰兄弟本心各有所在欲言其美恐非所欲聞欲言其惡又非使臣之所得論也堅使太子延琛相見秦人欲使琛拜先諷之曰隣國之君猶其君也隣國之諸君亦何以異乎琛曰天子之子尚不敢臣其父之臣况他國之臣乎禮有往來情豈忘恭但恐降屈為煩耳乃不果拜王猛勸堅留琛堅不許

集覽

萬年縣屬京兆府過禮會遇之禮注見周赧王三十六年海縣海謂

四海之內縣謂赤縣也中國名曰赤縣神州容與楚辭聊逍遙兮容與又河東賦靈輿安步周流容與顏

師古曰與讀曰豫容暇而安豫也子虛賦翺翔質實容與郭璞云容與言自得也或云閑雅舒散貌質實萬年縣名注見漢高帝十年諸葛瑾為吳聘蜀事在漢昭烈章武元年

冬十一月燕慕容垂出奔秦秦以為冠軍將軍

吳王垂自襄邑還鄴威名益振太傅評愈忌之垂奏將士功賞皆抑而不行太后可足渾氏素惡垂與評謀誅之太宰恪之子楷及垂舅蘭建知之以告曰先發制人但除評及樂安王臧餘無能為矣垂曰骨肉相殘而首亂於國吾不忍為也寧避之於外耳世子令曰主上闇弱委任太傅一旦禍發疾於駭機今欲保族全身不失大義莫若逃之龍城遜辭謝罪以待主上之察感寤寤得還幸之大者如其不然則內撫燕代外懷羣夷守肥如之險以自保亦其次也垂曰善十一月請畋於大陸因微服將趨龍城至邯鄲少子

麟素不為垂所愛逃還告狀燕主曄遣精騎追之垂
散騎滅迹得免世子令請給數騎襲鄴垂曰不可乃
與段夫人及令寶農隆楷建及郎中令高弼俱奔秦
初秦王堅聞恪卒陰有圖燕之志憚垂不敢發及聞
垂至大喜郊迎執手曰天生賢傑必相與共成大功
此自然之數也要當與卿共定天下告成岱宗然後
還卿本邦世封幽州使卿去國不失為子之孝歸朕
不失事君之忠不亦美乎堅復愛令及楷之才皆厚
禮之王猛曰垂父子譬如龍虎非可馴之物若借以
風雲將不可復制不如早除之堅曰吾方收攬英雄
以清四海奈何殺之且其始來吾已推誠納之矣匹
夫猶不棄言况萬乘乎乃以垂為冠軍將軍梁琛歸
言於評曰秦人日閱軍旅聚糧陝東和必不久今吳
王又往宜為之備評曰秦主何如人琛曰明而善斷
問王猛曰名不虛得既又以告燕主曄皆不然之唯
皇甫真深以為憂上疏請選將益兵以防未然不聽

集覽

大陸漢地理志大陸澤在鉅鹿郡爾雅晉有大陸郭璞以為此澤是正義曰大陸澤在邢州及

趙州界一名廣河澤一名鉅質實肥如縣名注見漢鹿澤令寶農隆楷建六人名質實武帝元朔三年一

統志云大陸澤名在順德府鉅鹿縣西北五里一名廣河一名鉅鹿一名大麓中有菱蓮魚蟹之類又有

鹹泉可煮為鹽邯鄲縣名

注見周威烈王二十年

秦遣使如燕

秦石越聘於燕太傅評示之以奢尚書郎高泰曰越言誕而視遠乃觀釁也宜耀兵以折其謀今乃示之以奢益為所輕矣評不從泰遂謝病歸時太后侵擾國政評貪昧無厭貨賂上流官非才舉羣下怨憤尚書左丞申紹上疏以為宜精擇守宰併官省職存恤兵家使公私兩遂節抑浮靡愛惜用度賞必當功罰

必當罪如此則溫猛可梟二方可
取豈特保境安民而已疏奏不省
質實
溫猛謂晉之王桓溫秦之王

也猛

書法

垂出而闕國者至矣綱
目聯書之所以戒也

秦遣王猛等伐燕十二月取洛陽

初燕人許割虎牢以西賂秦晉兵既退燕人謂曰行
人失辭有國有家者分災救患理之常也秦王堅大
怒遣猛及將軍梁成鄧羌帥步
質實
洛陽縣名注見
騎三萬伐之攻洛陽洛陽降
周顯王元年

發明

方書慕容垂奔秦即書秦遣王猛等伐燕蓋
秦久有謀燕之心而所忌者垂爾今既去其

所忌則何憚而不發哉然則一士止百萬之師一
賢制千里之難非虛語也燕有才不能用棄以資

敵雖欲不
亡得乎

大司馬溫徙鎮廣陵

溫發徐兗州民築廣陵城徙鎮之時征役既頻加之疫癘死者十四五百姓嗟怨祕書監孫盛作晉春秋直書時事溫見之怒謂盛子曰枋頭誠為失利何至乃如尊君所言若此史遂行自是關君門戶事其子遽拜謝請改之時盛年老家居性方嚴有軌度子孫雖班白待之愈峻至是諸子號泣稽顙請為百口計盛大怒不許諸子遂私改之盛先已寫別本傳之外國及孝武帝購求異書得之於遼東人與見本不同遂兩集覽枋頭城為失利穆帝永和五年桓質實陵存之溫及燕人戰于枋頭不利而還

城注見成帝咸和三年遼東郡名注見秦王政三年

庚午五年

秦建元六燕建熙十一年○是歲燕亡大一小二凡三僭國

春正月慕容令

自秦奔燕

王猛之發長安也請慕容令參其軍事以為鄉導將行造慕容垂飲酒從容謂曰今當遠別卿何以贈我使我覩物思人垂脫佩刀贈之猛至洛陽賂垂所親使詐為垂使者謂令曰吾父子來此以逃死也今王猛疾人如讐秦主心亦難知聞東朝比來悔悟吾今還東汝可速發令疑之躊躇終日又不可審覆乃奔燕軍猛表令叛狀垂懼而出走及藍田為追騎所獲秦王堅勞之曰卿家國失和委身投朕賢子心不忘本亦各其志然燕之將亡非令所能存惜其徒入虎口耳且父子兄弟罪不相及卿何為過懼而狼狽如是乎待之如舊燕人以令叛而復還疑為反間徙之沙城司馬公曰敵國材臣來為己用進取之良資也

慕容垂材高功盛無罪見疑窮困歸秦故秦王堅禮之以收燕望親之以盡燕情寵之以傾燕衆信之以結燕心未為過矣猛何汲汲於殺垂至乃為市井鬻賣之行有如嫉其寵而讒之者豈雅德君子所宜為哉

集覽

沙城在龍城質實藍田縣名注見周報王三年狼狽注見漢獻帝初平

三年

燕慕容臧將兵拒秦師秦王猛擊走之

燕樂安王臧自新樂進屯滎陽猛遣梁成鄧羌擊走之留羌鎮金墉以桓寅代羌戍陝城而還秦王堅以猛為司徒錄尚書事封平陽郡侯猛固辭曰今燕代未平戎車方駕而始得一城即受三事之賞若克殄二寇將何以加之堅曰苟不整抑朕心何質實一統以顯卿謙光之美遂寢司徒尚書之命志云

新樂古城名本漢河內郡獲嘉汲二縣地隋於古新樂城置新鄉縣唐初屬義州後屬衛州宋熙寧中省入汲縣元祐初復置金元仍舊本朝因之改屬衛輝府滎陽縣名注見秦莊襄王元年金墉城名注見魏元帝咸熙二年平陽郡名注見周威烈王二十三年

二月袁真死子瑾代領其衆燕秦皆遣兵助之夏四月

大司馬溫遣兵擊破之考異

據四年書袁真叛此擊字當作討

書法

袁氏書叛矣此其不書討何真之叛溫激之也綱目罪首禍故謝尚激張遇之叛則尚不

書討而書攻穆帝永和八年桓溫激袁氏之叛則溫不書討而書擊是年

○五月慕容令襲燕龍城不克而死

令自度終不能免密謀起兵沙城中謫戍士數千人皆厚撫之帥以東襲威德城據之諸戍皆應將襲龍城弟麟以告令出

集覽

龍城注見太和四年和龍

六月秦王猛督諸軍復伐燕

秦王堅送猛於灞上曰今委卿以關東之任當先破壺關平上黨長驅取鄴所謂疾雷不及掩耳吾當親督萬衆繼卿星發舟車糧運水陸俱進卿勿以為後慮也猛曰臣仗威靈奉成算盪平殘胡如風掃葉不煩鑿與親犯塵霧但速救所

集覽

星發猶星言電赴之義邵置鮮卑之

所謂克燕之後徙鮮卑於關中也

質實

王政二十二

年壺關縣名注見漢獻帝建安七年上黨郡名注見周赧王五十三年鑿與注見漢文帝元年鑿旂

秋七月朔日食○八月秦克壺關

王猛攻壺關燕主暉命太傅評將中外精兵三十萬以拒之畏猛不敢進猛克壺關所過郡縣皆望風降附燕人大震申脣歎曰鄴必亡矣然越得歲而吳伐之卒受其禍今福德在燕秦雖得志而燕之復建不過一集覽越得歲左傳昭三十二年吳伐越史墨曰紀耳集覽不及四十年越其有吳乎越得歲而吳伐之必受其凶注杜預曰此年歲在星紀星紀吳越之分也歲星所在其國有福吳先用兵故反受其殃哀二十二年越果滅吳索隱曰天官占云歲星一曰應星一曰經星一曰紀星物理論云歲行一次謂之歲星十二歲而星一周天正義曰歲星東方木之精蒼帝之象也漢天文志歲星所在之國不可伐可以伐人福德一曰德星出於有道之國索隱曰德星即歲星歲星所在其國有福故曰福德

大司馬溫敗袁瑾于壽春遂圍之質實

壽春縣名注見秦王政六年

九月秦王猛入晉陽冬十月及燕慕容評戰于潞川敗

之遂圍鄴

秦揚安攻晉陽久未下猛引兵助攻為地道使將軍張蚝帥壯士數百潛入城中大呼斬關納秦兵遂入晉陽評屯潞川猛進兵與相持遣將軍徐成覘燕軍期以日中及昏而返猛將斬之鄧羗固請曰成羗郡將也願與効戰以贖罪猛弗許羗怒還營嚴鼓勒兵將攻猛猛救之羗詣猛謝猛執其手曰吾試將軍耳將軍於郡將尚爾況國家乎評為人貪鄙鄆固山泉驚樵及水積錢帛如邱陵士卒怨憤莫有鬪志猛聞之笑曰慕容評真奴才雖億兆之眾不足畏況數十萬乎乃遣將軍郭慶帥騎五千夜從間道出評營後

燒評輜重火見鄴中燕主暉懼讓評曰府庫之積朕與王共之何憂於貧若家國喪亡王持錢帛欲安所置之乃命悉以其錢帛散之軍士且趣使戰評大懼請戰猛陳於渭源而誓之曰王景畧受國厚恩任兼內外今與諸君深入賊地當竭力致死有進無退共立大功以報國家受爵明君之朝稱觴父母之室不亦美乎衆皆踊躍破釜棄糧大呼競進猛望燕兵之衆謂鄧羌曰今日非將軍不能破勅敵將軍勉之羌曰若能以司隸見與者公勿以為憂猛曰此非吾所及也必以安定太守萬戶侯相處羌不悅而退俄而兵交猛召羌寢弗應猛馳就許之羌乃大飲帳中與張蚝徐成等跨馬運矛馳赴燕陳出入數四旁若無人所殺傷數百及日中燕兵大敗俘斬五萬餘人乘勝追擊所殺及降又十萬餘評單騎走還鄴崔鴻曰鄧羌請郡將以撓法徇私也勒兵欲攻王猛無上也臨戰豫求司隸要君也有此三者罪孰大焉猛能

容其所短收其所長若馴猛虎馭悍馬以成大功采
葑采菲無以下體猛之謂矣○秦兵長驅圍鄴號令
嚴明軍無私犯法簡政寬燕民各安其業更相謂曰
不圖今日復見太原王猛聞之歎曰慕容玄恭可謂
古之遺愛矣設太牢以祭之秦王堅詔猛曰朕今親
帥六軍星言電赴將軍其休養將士以俟朕至然後
取**集覽**嚴鼓顏師古曰戒嚴而擊鼓也景畧王猛自
稱其字采葑采菲詩谷風采葑采菲無以下

體注葑須也菲蔥也下體根莖也箋云此二菜皆上
下可食然而其根有美時有惡時采之者不可以根
惡時并棄其葉葑乎容反蔓菁也郭璞云今菰菜也
非妃鬼反爾雅葑菜也郭以為土瓜復見太原王句
絕太原王慕容恪也死四年矣今有王猛猶再
見恪古之遺愛謂慕容恪見愛有古人之遺風**止誤**
嚴鼓今按謂**質實**晉陽縣名注見周威烈王二十三
擊之急也潞川地名未詳處所或謂即潞

州注見周赧王五十三年上黨渭源疑是地名未詳
處所又按一統志云唯臨洮府城東百二十里有渭
源縣乃後魏所置屬渭州本漢之首陽縣唐陷于吐
蕃宋收復置渭源及慶平通谷三堡屬熙州金仍舊
元陞渭源堡為縣而慶平通谷隸焉本朝因之屬臨
洮府愚私臆之晉陽之去渭源路程不應又遠東晉
之於後魏朝代又且後先所以不敢指實故錄此以
備考之安定郡名注見漢光武建武元年鄯縣名注
見漢獻帝建安十五年慕容玄恭吳王恪之表字

十一月秦王堅入鄴執燕主暉以王猛為冀州牧都督
關東六州軍事

秦王堅留李威輔太子自帥精銳十萬赴鄴七日而
至安陽宴祖父時故老燕主暉與慕容評等奔龍城

堅入鄴宮慕容垂見燕公卿及故僚吏有愠色高弼
密言曰今雖國家傾覆安知其不為興運之始邪宜
恢江海之量慰結其心以立覆簣之基成九仞之功
奈何以一起捐之垂悅從之暉既出城衛士皆散惟
將軍孟高扶持極其勤瘁所在遇賊轉鬪而前與將
軍艾朗俱死於賊暉失馬步走堅使將軍郭慶追之
及於高陽執以詣堅堅詰其不降之狀對曰狐死首
邱欲歸死於先人墳墓耳堅哀而釋之令還宮帥文
武出降暉稱高朗之忠於堅堅命厚加斂葬拜其子
為郎中評奔高句麗高句麗執送於秦凡得郡百五
十七戶二百四十六萬口九百九十九萬以燕宮人
珍寶分賜將士評之敗也暉疑梁琛知秦謀收繫獄
至是堅召釋之謂曰卿不能見幾而作反為身禍可
謂智乎對曰臣聞幾者動之微吉凶之先見者也如
臣愚暗實所不及然為臣莫如忠為子莫如孝是以
烈士臨危不改見死不避以徇君親彼知幾者心達

安危身擇去就不顧家國臣雖知之尚不恐為況非
所及邪堅聞悅綰之忠恨不及見拜其子為郎中堅
以猛為使持節都督關東六州諸軍事冀州牧鎮鄴
悉以評第中之物賜之守令有闕令以便宜補授將
士封賞各有差州縣守長皆因其舊以燕申紹與韋
儒俱為繡衣使者循行關東觀省風俗勸課農桑振
恤窮困收葬死亡旌顯節行燕集覽狐死首邱記檀
政有不便於民者皆變除之弓上太公封於
營邱留為太師死葬於周子孫生焉不恐離也比及
五世皆反葬於齊君子曰樂樂其所自生禮不亡其
本古之人有言曰狐死正邱首仁也鄭玄曰正邱首
正首邱也仁思也首手又反朱申曰狐以穴丘而生
亦不恐背邱而死不忘思也淮南子曰鳥飛返鄉狐
死歸窠狐死首邱楚辭九章哀郢篇鳥飛返故鄉兮
狐死必邱首胸庵朱氏集註鳥飛返故鄉思舊巢也
首邱謂狐以首枕邱而死不忘其所自生也繡衣使

者漢百官表有繡衣直指出討奸猾治大獄實安

注云指事而行無阿私衣以繡者尊寵之也

縣名注見惠帝永興元年高句麗東夷國名注見

新莽始建國五年高陽縣名注見愍帝建興四年

發明劉石苻姚均之夷狄也然堅能用猛師行有

紀故伐燕之舉不見其斬艾屠戮之慘異乎

他虜所為是以上書入晉陽此書入鄴詞皆不費

而燕已舉矣滅一大國易若反手如猛所謂使六

州士庶不覺易主者蓋真實語也而堅又能就用

十二月秦遷故燕主暉及鮮卑四萬戶於長安

秦王堅遷慕容暉及其百官并鮮卑四萬餘戶于長

安猛表留梁琛為主簿他日與僚屬晏語及燕吏猛

曰人心不同昔梁君專美本朝郝君微說國弊參軍
馮誕曰敢問取臣之道何先猛曰郝君知幾為先誕
曰然則明公賞丁公而誅李布也猛大笑秦封韓為
新興侯以評為給事中皇甫真為奉車都尉燕故太
史黃泓歎曰燕必中興其在吳王乎恨吾老不及見
耳初燕以宜都王桓將兵為評後繼間敗走和龍攻
遼東時遼東已降秦秦追桓擊而殺之其子鳳年十
一陰有復讎之志鮮卑丁零有氣幹者皆傾身與之
交權翼謂曰兒方以才望自顯勿效爾父不識天命
鳳厲色曰先王欲建忠而不遂此乃人臣之節君侯
之言豈獎勸將來之義乎翼改容謝之言於堅曰
鳳慨有才器但狼子野心恐終不為人用耳

集

覽

郝君指郝咨賞丁公誅李布注見質實新興縣名

帝太元九年宜都郡名注見孝武帝太元十一年鮮
卑東胡種名注見漢光武建武二十五年丁零北狄

種名注見漢武帝天漢元年狼
子野心注見漢靈帝建寧元年

辛未 太宗簡文皇帝咸安元年

秦建元七年

考異

提要帝下注
是字按歲年

例君名注曰即位在今年內者用之則此當大書是字
然改元例曰凡中歲改元闕義理得失者以前為正而
注所改於下據此年十一月桓溫廢帝奕立簡文則此
當大書六年分注太宗簡文皇帝是咸安元年而明年
歲首大書太宗簡文皇帝是咸安元年而明年
文皇帝咸安二年考證當補書六年分注簡文皇帝咸安
六年也十一月桓溫構誅辭廢帝立會稽王昱是為簡
文帝今諸本於歲首即去太和之年大書簡文之號則
是於帝奕在位之日已追廢之矣通鑑舊文以後為正
者欲從簡便耳凡例曰漢建安二十五年十月魏始稱
帝改元黃初通鑑於是年之首即書黃初非惟失其事
實而於君臣之義所害尤大今當正之夫以太和咸安

而不正則是遂桓溫之非傷人倫之教宜立言之本意
哉故當改書六年於歲首而分註簡文謚年於其下云

春正月大司馬溫拔壽春獲袁瑾斬之考異

斬當作誅

袁瑾求救於秦秦遣將軍王鑒張蚝帥步騎二萬救之溫遣桓伊等擊鑒蚝於石橋大破之遂拔壽春擒

瑾送建質實石橋有二處一在滁州全椒縣東北下通舟楫今名積玉橋一在和州含山縣

治南上有觀音閣今名觀音橋按此二處未知孰是姑錄之以備考焉建康郡名注見漢獻帝興平二年

金陵壽春縣名注

見秦王政六年

秦徙關東豪傑及雜夷十五萬戶于關中○涼州張天

錫稱藩于秦

秦王堅命王猛為書諭天錫曰昔貴先公稱藩劉石者為雷於疆弱也今秦之威勢振無外關東既平將移兵河右恐非六郡士民所能抗也天錫大賢實涼懼遣使稱藩堅拜天錫涼州刺史西平公

注見唐中宗景龍二年西平郡名注見漢宣帝元康四年湟中

吐谷渾入貢于秦

吐谷渾王辟奚遣使獻馬千匹金銀五百斤于秦秦以為渚川侯辟奚好學仁厚而無威斷三弟專恣國人患之長史鍾惡地與司馬乞宿雲收殺之辟奚由是發病恍惚命世子視連曰吾禍及同生何以見之於地下國事汝自治之吾餘年殘命寄食而已遂以憂卒視連立不飲酒遊畋者七年軍國之事委之將佐惡地諫以為人主當自娛樂建威布德視連泣曰孤自先世以來以仁孝忠恕相承先王念友愛之不

終悲憤而亡孤雖纂業尸存而已聲色遊集覽涇川

娛豈所安耶威德之建當付之將來耳涇音

其良反水名也在河南尸位正誤尸存今按尸存言質

存尸主也尸存猶言尸位

實

吐谷渾西域種名注見元帝建武元年

代世子寔卒

初代將長孫斤謀弑代王什翼犍寔格之傷脇至是卒寔娶東鄙大人賀野干之女有遺腹子什翼犍名

之曰涉圭

秦伐仇池克之執楊纂以歸質實仇池縣名注見○秦

以鄧羌為鎮軍將軍

王猛以潞川之功請以羌為司隸秦王堅下詔曰司隸校尉董牧皇畿吏責甚重非所以優禮名將光武不以吏事處功臣實貴之也羌有廉李之才朕方委以征伐之事北平匈奴南蕩揚越羌之任也司隸何足以嬰之其進號集覽董牧皇畿爾邪曰董督正也鎮軍將軍位特進牧養也猶言牧伯也皇畿注見漢獻帝建安質實司隸校尉注見漢元帝永光元十三年王畿年廉李謂戰國趙之良將廉頗李牧也光武不以吏事處功臣事在漢光武建武十三年

冬十月秦王堅如鄴

秦王堅至鄴獵于西山旬餘忘返伶人王洛叩馬諫曰陛下羣生所繫今久獵不歸一旦患生不虞秦太后天下何堅為之罷獵還宮王猛因進言曰畋獵誠非急務洛之言不可忘也堅賜洛帛百匹拜官歲左

右自是質實鄴縣名注見漢獻帝建安十五年伶人即伶官注見唐高宗咸亨三年

十一月大司馬溫入朝廢帝為東海王迎會稽王昱入

即位

溫恃其材畧位望陰蓄不臣之志嘗撫枕歎曰男子不能流芳百世亦當遺臭萬年術士杜昊能知人貴賤溫問之昊曰明公勲格宇宙位極人臣溫不悅溫欲先立功河朔以收時望還受九錫及枋頭之敗威名頓挫既克壽春謂郝超曰足以雪枋頭之耻乎超曰未也久之超就溫宿中夜謂曰明公不為伊霍之舉無以立大威權鎮壓四海溫遂與定議以帝素謹無過而床第易誣乃揚言帝早有瘕疾嬖人朱靈寶等參侍內寢三美人生三男將移皇基人莫能審其虛實溫乃詣建康諷褚太后請廢帝而立會稽王昱

并作令草呈之太后太后曰我本自疑此便索筆益之曰未亡人不幸罹此百憂感念存沒心焉如劉溫集百官於朝堂百官震慄溫亦色動不知所為尚書僕射王彪之命取霍光傳禮度儀制定於須臾彪之朝服當階神彩毅然於是宣太后令廢帝為東海王帝乘犢車出神虎門侍御史將兵衛送東海第溫帥百官迎昱即帝位溫有足疾詔乘輿入殿溫撰辭欲陳述廢立本意帝引見便泣下數十行溫兢懼竟不能一言而出太宰武陵王晞好習武事溫忌之表免其官尊褚太后曰崇德太后逼新蔡王晃自列與晞及殷浩之子涓及庾綸弟倩柔等謀反收付廷尉又殺東海王三子及其母有司承溫旨請誅晞詔曰悲悅惶惶非所忍聞溫固請帝手詔曰若晉祚靈長公便宜奉行前詔如大運去矣請避賢路溫覽之流汗乃奏廢晞徙新安晃是為庶人涓倩柔皆族誅侍中謝安見溫遙拜溫驚曰安石卿何事乃爾安曰未有

君拜於前臣揖於後溫遜還姑孰秦王堅聞溫廢立
謂羣臣曰溫前敗瀾上後敗枋頭不能思愆自貶以
謝百姓方吏廢君以自說六十之叟舉動如此將何
以容於四海乎諺曰怒其室而作色於父溫之謂矣

集覽

吳古惠反牀第易誣謂淫亂之語易以誣枉人
也正義曰第側里反郭璞云第牀板也左傳襄

二十七年鄭伯享趙孟于垂隴伯有賦鷄之賁賁趙
孟曰牀第之言不踰閭非使人之所得聞也杜預曰
鷄之賁賁刺其君淫亂故趙孟云牀第之言不當踰
門限也痿疾史炤通鑑釋文曰痿儒佳反痺濕病也
此說與床第之義全不相著愚按廢帝本紀曰床第
易誣乃言帝為閹則痿疾正類漢膠西王陰痿之疾
膠西于王端景帝子為人賊戾又陰痿一近婦人病
之數月正義曰痿委危反不能御婦人見史記五宗
世家未亡人左傳注婦人既寡自稱曰未亡人正誤
自列列陳也倩永庾蘊二弟名自說自為飾說

吳今按當作古迴切光也質實九錫注見漢平帝元始五年抄頭之收事

音桂者人姓漢有吳橫在帝奕太和四年尹霍之舉注見元帝太興元年東海國名注見秦二世二年郾武陵國名注見漢光武

建武二十四年新蔡國名注見漢宣帝甘露二年會稽郡名注見漢和帝永元元年新安縣名注見楚義

帝元年姑孰縣名注見穆帝太寧元年

書法

書入書廢書迎即位
光悖之氣燄可見矣

發明

累朝廢立自非如霍光之忠亦皆先著其跋扈之迹至溫則不然纔書入朝即書廢帝立

會稽王易若折枝亦不見羣臣有抗拒立興死斥之人何哉溫久專大權晉朝在其掌握天子特擁

虛器故立談之頃視置君如奕棋畧無少齟齬其間者使溫是時因而改物則亦何難之有書法若

此所以戒有國者不可不謹其微而履履霜之漸爾於溫乎何誅

十二月降封東海王為海西縣公

大司馬溫奏廢放之人不可以臨黎元東海王宜依昌邑故事太后詔封海西縣公溫威震內外帝雖處尊位拱默而已先是熒惑守太微端門踰月而海西廢至是又逆行入太微帝甚惡之謂中書侍郎鄒超曰命之脩短本所不計故當無復近日事邪超曰大司馬臣溫方內固社稷外恢經畧非常之事臣以百口保之及超請急省其父帝曰致意尊公家國之事遂至於此由吾不能以道匡衛因詠庾闡詩云志士痛朝危忠臣哀主辱遂泣下霑襟帝美風儀善容止留心典籍凝塵滿席湛如也雖神識恬暢然無濟世大畧謝安以為惠帝之流但清談差勝耳超以溫故朝中皆畏事之謝安嘗與左衛將軍王坦之共請超

日旰未得前坦之欲去安曰**集覽**昌邑故事漢昭帝獨不能為性命忍須臾邪

崩迎昌邑王即帝

位有罪被廢歸于昌邑太微端門天官書衛太微三光之庭南四星執法中端門正義曰太微宮垣十星在翼軫地天子之宮庭五帝之坐其**質實**西海縣未外藩九卿也南藩中二星間於端明

詳處所

士
二年

秦建元八年

考證

當書太宗簡文皇帝於二年之上

春二月秦以慕

容評為范陽太守

慕容垂言於秦王堅曰臣叔父評燕之惡來革也不宜復汙聖朝願為燕戮之堅乃出之范陽司馬公曰古之人滅人之國而人悅何哉為人除害故也秦王堅不以評為誅首又從而寵秩之是愛一人而不愛一國之人也其失人心多矣是以施恩於人而人莫之思盡誠於人而人莫之誠卒於功名不遂容身無

所由不得其道故也

集覽

惡來革秦本紀蜚廉生惡來又曰惡來革者蜚廉子也以是知惡來革即

惡來也又讀楚辭惜誓篇梅伯數諫而至醢兮來革順至而用國文公集註云來謂惡來與革皆紂之佞

臣如此則惡來革自是兩人正疑史記之誤及觀劉向全史提綱乃曰惡來名革蜚廉長子也此說卻與

史記相符史炤通鑑釋文惡質實范陽郡名注見漢音哀部反孫奔示兒編亦云

郡

三月秦命關東禮送經藝之士

秦王堅詔關東之民學通一經才成一藝者所在郡縣以禮送之在官百石以上學不通一經才不成一

藝者罷遣還民

夏四月遷海西公於吳縣質實

吳縣注見漢獻帝建安三年

○六月

秦以王猛為丞相苻融為冀州牧質實

冀州注見漢元帝建昭二年鄴

○秋七月帝崩太子昌明即位考證

下當補書立子昌明為皇太子○謹

按簡文有疾召大司馬入輔不至詔立皇子昌明為皇太子生十年矣帝崩王彪之正色謂羣臣曰天子崩太子代立何容得異朝議乃定太子昌明即位太子立於簡文在位之日故當補書以正孝武之始

帝不豫急召大司馬溫入輔一日一夜發四詔溫辭不至詔立皇子昌明為皇太子生十年矣道子為琅邪王領會稽國以奉帝母鄭太妃之祀遺詔溫依周公居攝故事又曰少子可輔者輔之如不可君自取之侍中王坦之持詔入於帝前毀之帝曰天下儻來之運卿何所嫌坦之曰天下宣元之天下陛下何得

專之帝乃使改詔曰家國事一稟大司馬如諸葛武侯王丞相故事是日帝崩羣臣曰當須大司馬處分王彪之正色曰天子崩太子代立大司馬何容得異朝議乃定太子即位太后欲令溫居攝彪之曰此異常大事大司馬必當固讓使萬機停滯稽廢山陵未敢奉令事遂不行溫望簡文臨終禪位不爾便當居攝既不副所望與弟沖書曰遺詔使吾依武集覽王侯王公故事耳疑王坦之謝安所為心銜之

相謂王

質實

琅邪郡名注見漢光武建武五年宣元謂宣帝元帝也

八月秦加王猛都督中外諸軍事

猛至長安復加都督中外諸軍事辭章三四上秦王堅不許曰朕方混壹四海非卿誰可委若卿之不得辭宰相猶朕不得辭天下也猛為相堅端拱於上百官總已於下軍國之事無不由之猛剛明清肅善惡

著白放黜尸素顯拔幽滯勸課農桑練習軍旅官必
當才刑必當罪由是國富兵彊戰無不克秦國大治
堅救太子宏及長樂公不等曰汝事王公如事我也
陽平公融年少在冀州為政好新奇貴苛察治中別
駕中紹數規正導以寬和融雖敬之未能盡從後紹
出為濟北太守融屢以過失聞數致譴讓乃恨不用
紹言嘗坐擅起學舍為有司所糾問紹誰可使者紹
曰燕尚書郎高泰清辯有膽智可使也使至長安見
猛曰昔魯僖公以泮宮發頌齊宣王以稷下垂聲今
陽平公開建學宮乃煩有司舉劾明公懲勸如此下
吏何所逃罪乎猛曰是吾過也事遂釋猛因歎曰高
子伯豈陽平所宜吏乎言於秦王堅堅召見問以為
治之本對曰治本在得人得人在審舉審舉在核真
未有官得其人而國家不治者也堅曰可謂辭簡而
理博矣以為尚書**集覽**以泮宮發頌詩泮水頌魯僖
郎固請還州許之

平帝元始四年以稷下垂聲史記田敬仲完世家齊
宣王喜文學遊說之士自如騶衍淳于髡田駢接子
慎到環淵之徒皆賜列第為上大夫不治而議是以
稷下學士復盛且數百千人劉向別錄曰齊有稷門
城門也談說之士期會於稷下春秋莒子如齊盟于
稷門即此齊地記云齊城西門側系水左右有講堂
舊趾蓋因側系水故曰稷門古側稷音相近耳又質
虞喜曰齊有稷山立館其下以待遊士亦異說也
實長樂國名注見秦二世二年信都陽平郡名注見
孝武帝太元九年館陶濟北郡名注見楚義帝元
年長安縣名注見漢惠
帝五年子伯高奏表字

發明

堅之任猛如此方盡其才而桓溫乃以軍謀
祭酒處之欲與俱南宜乎猛之不就也且溫

既知江東無猛之比常戰攻分裂之世乃不能羅
而致之棄以資敵何哉然猛才畧出溫之右亦自

知必不為溫所容秦能用猛而晉不能用溫故猛功業傑出而溫終為跋扈之臣此又繫乎君臣遇合與否爾猛是時輔相苻秦兵彊國富境內大治溫與之對局不能自反方且廢立亂朝甘處不韙之域其不及猛多矣綱目止書猛受任之重而佐秦之烈固已隱然在中宜乎後人謂為苻堅之管仲也

冬十月葬高平陵質實

一統志云高平陵在應天府上元縣境內

○三吳大

旱饑質實

張九韶曰三吳謂東吳蘇州中吳潤州西吳湖州也

烈宗孝武皇帝寧康元年

秦建元九年

春二月大司馬溫

來朝

桓溫來朝詔吏部尚書謝安侍中王坦之迎于新亭時都下恂恂云欲誅王謝因移晉祚坦之甚懼安神色不變曰晉祚存亡決於此行溫既至百官拜於道側溫大陳兵衛延見朝士坦之流汗沾衣倒執手版安從容就席謂溫曰安聞諸侯有道守在四隣明公何須壁後置人邪溫笑曰正自不能不爾遂命撤之與安笑語移日郝超卧帳中聽其言風動帳聞安笑曰郝生可謂入幕之賓矣時天子幼弱外有彊臣安與坦之盡忠輔衛卒安晉質實新亭注見安室三月溫有疾還姑孰

發明書大司馬溫來朝初無異詞而其亢威虐餓固自隱然於中則當時之氣象為如何耶吁

可畏也哉

秋七月大司馬溫卒以桓沖都督揚豫江州軍事

初溫疾篤諷朝廷求九錫屢使人趣之謝安上坦之
故緩其車使袁宏具草宏以示王彪之彪之歎其大
辭之美因曰御固大才安可以此示人安見其草輒
改之由是歷旬不就溫弟江州刺史沖問安坦之所
在溫曰渠等不為汝所處分也溫以世子熙才弱使
沖領其衆溫卒熙及弟濟謀殺沖沖徙之長沙稱溫
遺命以少子玄為嗣時方五歲襲封南郡公沖既代
溫居任盡忠王室或勸誅除時望沖不從始溫在鎮
死罪皆專決沖以為生殺質實袁宏陽夏人璩之從
之重當歸朝廷須報後行質實子長沙郡名注見漢
獻帝興平元年南郡注
見漢獻帝建安十三年

書法

綱目卒蜀漢及晉諸臣無不書姓者此其不
書何削之也自蜀漢及晉卒不書姓者大司

馬溫一人
而已矣

發明

桓溫之卒既書其官乃不書其爵又削其姓何哉溫在晉誠為跋扈然使其為操為懿一

以無道行之則亦何難之有惟溫尚能稍知顧忌故雖垂涎晉鼎終莫染指是以綱目權其輕重寓諸書法之間予之而不盡予故止書其官貶之而不盡貶故僅去其爵至於名而不氏又以著其强大之實若莽卓然不問可知其為溫也意此綱目之所以為綱目也歟

皇太后臨朝攝政以王彪之為尚書令謝安為僕射

謝安以天子幼冲欲請崇德太后臨朝彪之曰上年垂及冠婚反令從嫂臨朝豈所以光揚聖德乎安不欲委任桓冲故使太后臨朝已得專決遂不從其言彪之與共掌朝政安每歎曰朝廷大事衆所不能決者以諸王公集覽崇德太后康帝褚后也無不立決

書法

太后於是三臨朝矣漢殤鄧太后桓梁太后再臨朝則書猶魏馮胡唐武氏再臨朝則書

復於是三臨朝而綱目書之如恒辭惟無意於擅朝也凡書臨朝譏也惟褚太后無譏焉再書攝義同

冬秦寇梁益陷之

秦王堅使王統朱彤帥卒二萬出漢川毛當徐成帥卒三萬出劔門以寇梁益梁州刺史楊亮拒之戰敗彤遂拔漢中徐成亦克劔門楊安進攻梓潼太守周虓固守涪城遣步騎送母妻趣江陵彤邀而獲之虓遂降十一月秦取二州邛笮夜郎皆附之秦以楊安鎮成都毛當鎮漢中姚萇屯墊江王統鎮仇池堅欲以周虓為尚書郎虓曰蒙晉厚恩但老母見獲失節於此母子獲全秦之惠也雖公侯之貴不以為榮遂

不仕每見堅或箕踞而坐呼為氏賊嘗值元會儀衛甚盛堅問之曰晉朝元會與此何如廼攘袂厲聲曰犬羊相聚何敢比擬天朝秦人以集覽廼虛交反叩廼不遜屢請殺之堅待之彌厚

帝元光五年夜

質實

漢川地名注見周赧王四年漢中劔門關名注見唐昭宗大順

二年梁益二州名梁注見周赧王四年漢中益注見武帝泰始八年漢中郡名注見周赧王四年梓潼郡名注見漢獻帝建安十八年沿城縣名注見漢光武建武十二年江陵郡名注見漢獻帝建安十三年墊江縣名注見漢光武建武十一年

年箕踞注見漢後主景耀五年

以王坦之為中書令領丹陽尹質實

丹陽郡名注見漢獻帝興平二年金

陵○彗星見

彗星出于尾箕長十餘丈經太微掃東井自四月見
及冬不滅秦太史令張孟言尾箕燕分東井秦分也
今彗起尾箕而掃東井十年之後燕當滅秦二十年
之後代當滅燕慕容氏布列朝廷臣竊憂之宜剪其
魁傑以消天變堅不聽陽平公融亦上疏言之堅報
曰朕方混六合為一家視夷狄為赤子汝宜息慮勿
懷耿介夫惟修德可以禳災苟能內求諸已何懼外
患乎其後有人入秦明光殿大呼曰甲申乙酉魚羊
食人悲哉無復遺堅命執之不獲朱彤趙整固請誅
諸鮮卑堅不聽整宦官也博聞彊記能屬文好直言
面諫慕容垂夫人得幸於堅堅與之同輦遊於後庭
整歌曰不見在來入鶯室但見浮雲蔽白日堅改容
謝之命夫質實彗星注見周顯王八年尾箕東方之
人下輦質實宿名太微注見漢景帝後三年東井
注見宋文帝元嘉十六年鮮卑東胡
種名注見漢光武建武二十五年

書法

彗星出尾箕掃東井燕滅秦之兆明矣綱目不書所出若曰天有大戒凡有國者皆當有

警懼之心云耳

發明

星變如此秦太史言燕秦興滅之由他時皆驗然欲使之誅殺之應之則非矣且堅之亡

非在於不殺鮮卑而在於窮黷不已此則非秦太史之所能知也是時宇宙瓜分綱目書彗見而不書分野正欲夫人知敬畏修省之實無徒泥於天象之所屬而異其心也

甲戌二年

秦建元十年

春二月以王坦之都督徐兗等州軍事

詔謝安總中書

安好聲律恭功之慘不廢絲竹士大夫效之遂以成俗坦之屢書苦諫曰天下之寶當為天下惜之安不

欽定四庫全書

御批資治通鑑綱目

四十四

王猛之忠盡智沒之時以善成追蹤前王春陵臣之所

能從又嘗與王羲之登治城悠然遐想有高世之志
羲之謂曰夏禹勤王手足胼胝文王旰食日不暇給
今四郊多壘宜思自效而虛談廢務浮文妨要恐非
當世所宜安曰秦任商鞅二世而亡豈清言致患邪
集覽 碁功之慘謂有周碁大功小功之服手足胼胝
惟荒土功身體質實 治城本吳治鑄之地在應天府
偏枯手足胼胝 治北朝天宮後晉謝安與王羲之
之同訪治城悠然遐想有起世之志即此

三年 秦建元 夏五月徐兗都督藍田侯王坦之卒質

實 藍田縣名注見

周顯王三年

坦之臨終與謝安桓沖書惟以
國家為憂言不及私卒諡曰獻

事泰竭
至於臨
猶惓惓
望秦王
聖其
墜為人
當勉也

以桓沖為徐州刺史謝安領揚州刺史

沖以安素有重望以揚州讓之自求外
出桓氏族黨莫不苦諫沖處之澹然

秋七月秦丞相清河侯王猛卒

猛寢疾秦王堅親為祈鄧廟社搜分遣侍臣徧禱河
嶽疾少瘳為之赦殊死以下猛上疏曰不圖陛下以
臣之命而虧天地之德開闕以來未之有也臣聞報
德莫如盡言謹以垂沒之命竊獻遺款夫善作者不
必善成善始者不必善終古先哲王知功業之不易
戰戰兢兢如臨深谷伏惟陛下追蹤前聖天下幸甚
聖覽之悲慟七月堅親至猛第視疾訪以後事猛曰
晉雖僻處江南然正朔相承上下安和臣沒之後願
勿以晉為國鮮卑西羌我之仇敵終為人患宜漸除
之以使社稷言終而卒堅凡歛三臨哭謂太子宏曰

天不欲使吾平一六合邪何奪吾景畧
質實清河縣

之速也葬之如漢霍光故事諡曰武
漢安帝建元元年日陵社稷注見新莽天鳳元年六
合應劭曰六合者天地四方之謂也景畧王猛在字

發明

几仕夷者皆以死書而猛獨書官書爵書卒
何原其心也猛負高世之資生亂離之世不

得已而仕秦其心蓋惓惓然以中國生靈為念觀
其臨終秦主訪以後事猛曰晉雖僻處江南然正
朔相承上下安和臣沒之後願勿以晉為圖噫所
謂正朔相承一言其深明華夷之分識順逆之理
也歟表而出之以為
不幸而仕夷者之法

八月立皇后王氏

后濊之
孫也

九月以徐邈為中書舍人

帝講孝經始覽典籍延儒士謝安薦邈補中書舍人
每被顧問多所匡益帝或宴集酣樂之後好為詩章
文詞穢雜邈應時收斂還省
刊削經帝重覽然後出之

冬十月朔日食○秦置聽訟觀遣太子入學禁老莊圖

識之學

秦王聖詔曰新喪賢輔百司或未稱朕心可置聽訟
觀五日一臨以求民隱今天下雖未大定權可偃武
脩文以稱武侯雅旨其增崇儒教禁老莊圖識之學
犯者棄市妙簡學生太子及羣臣之子皆就學受業
尚書郎王佩讀識
堅殺之識學遂絕
質實
老莊注見成帝咸康三年圖
識注見漢光武建武中元元

年葉市注見秦
始皇三十四年

書法

自晉初書禁星氣識緯之學於是復書禁老

馬此類是也然終以識誤何哉太元十年終綱目
書禁圖識四詳武帝泰始三年禁老莊則一而已

丙子
太元元年

秦建元十二年○是歲涼代皆亡僭國一

春正月朔帝冠太后

歸政以謝安為中書監錄尚書事

書法

褚太后三臨朝凡再書歸政矣皆以帝冠首

喪漢桓帝梁太后上書歸政下書復稱制者唐高
宗武氏大異矣綱目書太后歸政四惟褚氏無譏

焉

○秦遣侍臣分巡郡縣

秦王堅下詔曰往得丞相常謂帝王易為自丞相違世鬚髮半白今天下既無丞相或政教淪替可遣侍臣分巡郡縣問民疾苦

秋七月秦遣兵擊涼州八月敗其兵涼將掌據死之張

天錫降老證

降當作秦

天錫荒于酒色不親庶務黜世子大懷而立嬖妾之子大豫人情憤怨秦王堅以天錫臣道未純遣將軍苟萇梁熙等將兵臨西河尚書郎閭負梁殊奉詔徵之若有違命即進師撲討負殊至姑臧天錫會官屬謀之皆怒曰吾世事晉朝忠節著於海內今一旦委身賊庭醜莫大焉且河西天險若悉境內精兵右招

西域北引匈奴以拒之何遽知其不捷也天錫攘袂
大言曰孤計決矣言降者斬使謂負殊曰君欲生歸
乎死歸乎殊等辭氣不屈天錫怒射殺之其母嚴氏
泣曰秦主橫制天下兵不留行汝若降之猶可延數
年之命今既抗衡又殺其使者亡無日矣天錫使將
軍馬建帥衆二萬拒秦八月秦師濟河天錫又遣掌
據帥衆三萬軍于洪池苟萇使姚萇為前驅馬建迎
降據兵敗就帳免胄西向稽首伏劍而死秦兵遂至
姑臧天錫面縛出降涼州郡縣悉下秦以梁熙為涼
州刺史鎮姑臧封天錫歸義侯初秦兵之出也先為
天錫築第於長安至則居之熙清儉愛民河右安之
桓沖聞秦攻涼州遣兵分道撓秦以救涼不克而罷
集覽橫制橫胡盲反瓚曰以威勢相脅曰橫兵不留
行漢書武帝攻匈奴譬猶以彊弩射潰癰也必
不留行矣注質實西河地名未詳處所姑臧縣名注
言無所礙也見元帝建武元年河西郡名注見

漢安帝元初元年洪池地名未詳
處所涼州注見唐中宗景龍二年

詔除度田收租之制

初哀帝減田租畝收二升至是除之
王公以下口稅米三斛蠲在役之身

冬十一月朔日食○秦遣兵擊代敗之十二月代寔君

弑其君什翼犍秦討殺之遂分代為二部考異

殺當作誅

劉衛辰為代所逼求救於秦秦王堅遣行唐公洛鄧
羌朱彤等將兵擊之以衛辰為鄉導代王什翼犍使
南部大人劉庫仁將兵拒戰大敗什翼犍病不能自
將乃奔陰山之北聞秦兵稍退復還雲中初什翼犍
世子寔早卒寔子珪尚幼慕容妃諸子皆長繼嗣未
定庶長子寔君遂殺諸弟并弑什翼犍秦兵趨雲中

部衆逃潰國中。大亂。珪母賀氏以珪走依賀納秦王
堅召代長史燕鳳問代亂故。鳳具以對。堅曰：「天下之
惡一也，乃執寔君至長安車裂之，堅欲遷珪於長安。
鳳固請曰：『代王遺孫沖幼，莫相統攝。』庫仁勇而有智，
衛辰狡猾多變，皆不可獨任。宜分諸部為二，令此兩
人統之。兩人素有深讎，而勢莫敢先發，俟其孫稍長，
立之。是陛下有存亡繼絕之德於代，使其子孫永為
不侵不叛之臣。此安邊之良策也。」堅從之，分代為二
部，自河以東屬庫仁，自河以西屬衛辰，使統其衆。賀
氏以珪依庫仁，庫仁招撫離散，愚信甚著，奉事拓跋
珪恩勤周備，不以廢興易意。常謂諸子曰：「此兒有高
天下之志，必能恢隆祖業。汝曹當謹遇之。」慕容紹私
謂其兄楷曰：「秦恃其疆大，務勝不休，北戍雲中，南集
守蜀漢，轉運萬里，道殣相望，兵疲民困，危亡近矣。」
集覽：道殣，相望也。道中死人，人所愛也。質實，梁主瑱乾化三

年陰山注見秦王政三年燕鳳代人雲中郡名注見秦王政三年

書法

代裁也秦書討何裁逆之賊夫人得而討之綱目之誅惡嚴矣是故祖約反於晉而趙書

誅成帝咸和五年寔居裁於代而秦書討是年

丑二年

秦建元十三年

春高句麗新羅西南夷皆遣使朝貢于

秦質實

新羅東夷國名注見唐太宗貞觀十七年西南夷注見漢武帝元狩元年滇國

○秦以

熊邈為將作長史

趙故將作功曹熊邈屢為秦王堅言石氏宮室器玩之盛堅以邈為將作長史大修舟艦兵器飾以金銀頗極精巧慕容農私言於垂曰自王猛之死秦之法制日以頽靡今又重以奢侈殃將至矣大王宜結納

英傑以承天意垂笑
曰天下事非爾所及

書法

一將作長史耳何以
書著秦主之驕侈也

以朱序為梁州刺史鎮襄陽質實

梁州注見周赧王四
年漢中襄陽縣名注

見漢獻帝建安十二年

○秋七月以謝安都督揚豫等州軍事質

實

揚豫二州名揚注見漢獻帝興平二
年金陵豫注見周赧王三十七年陳

○冬十月以桓

沖都督江荆等州軍事謝玄監江北軍事

桓沖以秦人疆盛欲移阻江南奏自江陵徙鎮上明
使劉波守江陵楊亮守江夏初中書郎郗超自以其
父惜位遇應在謝安之右而優游散地常憤悒形於
詞色由是與謝氏有隙時朝廷方以秦寇為憂詔求

文武良將可鎮禦北方者安以尼子玄應詔超聞之
歎曰安之明乃能違衆舉親玄之才足以不負所舉
衆咸以為不然超曰吾嘗與玄共在桓公府見其使
才雖履履問未嘗不得其任是以知之玄鎮廣陵募
驍勇之士得彭城劉牢之等數人以牢之為參軍常
領精銳為前鋒戰無不捷時號北府兵敵人畏之

集覽

散地猶言間處也散上聲

質實

江陵縣名注見漢獻帝建安十

三年一統志云上明城名在荊州府松滋縣境晉荊
州刺史桓沖自襄陽退屯於此時所築江夏郡名注
見漢獻帝建安十三年廣陵郡名注見漢武帝元
朔五年淮南彭城郡名注見秦始皇二十八年

散騎常侍王彪之卒

初謝安欲增修宮室彪之曰中興之初即東府為宮
殊為儉陋蘇峻之亂成帝止蘭臺都坐不蔽風雨是

以更營新宮比之漢魏則為儉比之初過江則為侈矣今寇敵方彊豈可大興功役勞擾百姓邪安曰宮室弊陋後世謂人無能處之曰凡任天下之重者當保國寧家解熙政事乃以修室屋為能邪安不能奪故終處之集覽蘭臺都座蘭臺御史臺也都坐猶世無所營造今都堂也孝武置檢校御史掌行馬外事亦質實東府注見安帝元興元年一統志云蘭臺之職質實新宮在應天府上元縣治東北五里臺城內晉有顯陽宮蘇峻作亂宮室盡焚太元初乃作新宮名曰永安

臨海太守郝超卒

初超黨於桓氏以父愔忠於王室不令知之及病甚出一箱書授門生曰公年尊我死之後若以哀悼害寢食者可呈此不爾即焚之超卒愔果成疾門生呈箱皆與桓溫徃反密計愔大怒曰小子死已晚矣遂

不復
哭質寶

一統志云臨海古地名春秋戰國時為越地秦屬閩中郡漢初屬東甌國後東甌內

徙以其地置回浦縣屬會稽郡又南部都尉治北處東漢初改回浦曰章安三國吳以會稽東部為臨海郡治臨海縣徙治章安梁改為赤城郡尋廢陳復置章安郡隋罷唐初置海州尋改曰台州因天台山為名天寶初復改為臨海郡乾元初復為台州至德初移治始豐陞為德化軍宋仍為台州屬浙東路元改為台州路本朝因之改為台州府隸浙江道

書法

太守卒不書書卒超何著惜忠也終綱目卒太守四詳見愍帝建興元年皆予之也惟郝

超非
予辭

發明

超本不足錄而特卒之者著其黨於桓氏之罪也然則何以書官超慮其父哀惋成疾故

暴其身後之惡以止之志
亦可哀故特憫而存之也

戊寅三年秦建元十四年春二月作新宮○秦寇涼州夏四月陷

南陽考異

一本作梁州

秦王堅遣長樂公丕將軍苟萇石越慕容垂等四道
會攻襄陽梁州刺史朱序以秦無舟楫不以為虞既
而石越帥騎五千浮度漢水序惶駭固守中城越克
其外郭獲船百餘艘以濟餘軍丕督諸將攻中城序
母韓氏聞秦兵將至自登城履行西北隅以為不固
帥百餘婢及城中女丁築斜城於其內及秦兵至西
北隅果潰移守新城襄陽人謂之夫人城桓沖在上
明擁衆七萬憚秦兵不敢進丕欲急攻襄陽苟萇曰
吾衆十倍於敵糗糧山積但稍遷漢沔之民於許洛
塞其運道絕其援兵譬如網中之禽何患不獲而多

殺將士急求成功哉王從之慕容質實長樂郡名注見秦二世

垂拔南陽執太守鄭裔與王會

質實

見秦二世

年信都漢水注見漢獻帝建安十二年漢沔新城郡名注見漢獻帝建安二十四年房陵一統志云夫人

城在襄陽府治西北晉朱序鎮襄陽苻堅遣將圍城序母韓氏謂城西北角必先受弊領百餘婢并城中

女丁於其角築城二十餘丈賊攻西北角果潰衆守新築城賊遂引退襄陽人因名夫人城襄陽縣名注

見漢獻帝建安十二年南陽郡名注見秦二世三年

秋七月新宮成

書法

凡宮室書作書成久辭也此僅五月耳書成何速成也綱目久成書成速成書成晉自蘇

峻遷帝石頭宮闕灰燼矣成帝更造新宮倥偬可知至此近六十年改而新之宜也二月經始七月

告成則孝武可謂知節矣故特書成終綱目書
宮成四詳見漢高帝七年皆譏也惟此為美辭

○秦遣兵分道寇盱眙彭城魏興

彭超請攻沛郡太守戴遂於彭城且曰願更遣重將
攻淮南為基劫之勢東西並進丹陽不足平也秦王
堅從之使俱難帥步騎七萬寇淮陽盱眙八月超攻
彭城詔右將軍毛虎生帥眾鎮姑孰以禦之秦又使
韋鍾圍魏興太集覽丹陽即金陵也秦改曰秣陵三
守吉挹於西城國吳大帝改曰建業晉元帝改
曰丹陽郡此非漢唐之丹陽也漢丹陽治宛陵唐丹
陽治京口淮陽周為陳國春秋楚滅之戰國為楚魏
之郊秦改潁川郡正義曰淮陽國今陳州是盱眙注
見秦二世二年彭城郡名注見秦始皇二十八年西
城注見漢後質實沛郡注見漢成帝河平二年丹陽
主建興八年郡名注見漢獻帝興平二年金陵

淮陽郡名注見宋明帝泰始三年魏興郡名注見漢後主建興八年西城

九月秦王堅宴羣臣

秦王堅與羣臣飲酒以極醉為限趙整作酒歌曰地列酒泉天垂酒池杜康妙識儀狄先知紂喪殷邦桀傾夏國由此言之前危後則堅大悅命整集覽禮飲書之以為酒戒自是宴羣臣禮飲而已

藻君子之飲酒也禮已三爵而油油以退質實樞機左傳宣二年臣侍君宴過三爵非禮也

云杜康古之善造酒者以酉日死故酉日不會賓客戰國策云儀狄作酒禹飲而甘之曰後世必有以酒亡其國者遂疏儀狄而絕旨酒

冬十月大宛獻馬于秦不受

大宛獻汗血馬于秦秦王堅曰吾嘗慕漢文帝質實
為人用千里馬何為命羣臣作止馬詩而反之
大宛西域國名注見漢武帝元朔三
年汗血馬注見漢武帝元鼎二年

秦豫州刺史苻重謀反赦就第

北海公重鎮洛陽謀反秦王堅曰長史呂光忠正必
不與之同即命光收重檻車送長安赦之以公就第
質實北海郡名注見漢桓帝永康元年青州呂光畧
陽氏人婆樓之子洛陽縣名注見周顯王三年

長安縣名注見
漢惠帝五年

書法

謀反書赦識失刑也終綱目謀反書
赦二燕王旦苻重未有不復反者也

發明

人臣無將將則必誅苻重既書其反而又書
赦之就第是縱使為逆爾亂階何自而弭宜

乎他日
復反也

卯巳

四年

秦建元十五年

春二月秦陷襄陽執刺史朱序以歸

秦御史中丞李柔劾奏長樂公丕等擁衆十萬攻圍小城日費萬金久而無效請徵下廷尉秦王堅遣使持節切讓丕等賜丕劔曰來春不捷汝可自裁勿復持面見吾也丕等惶恐命諸軍并力攻襄陽堅欲自將來攻陽平公融諫曰陛下欲取江南固當博謀熟慮不可倉猝若止取襄陽親勞大駕所謂以隨侯之珠彈十仞之雀也乃止朱序屢破秦兵遂不設備丕命諸軍進攻督護李伯護為內應遂克襄陽執序送長安堅以序能守節拜度支尚書以伯護為不忠斬之秦將慕容越拔順陽執太守丁穆堅欲官之穆固辭不受堅以梁成為荊州刺史史質實隨侯之珠彈千鎮襄陽選其才望禮而用之

質實

隨侯之珠彈千

王篇以隨侯之珠彈千仞之雀世必笑之何也所用重所要輕長樂郡名注見秦二世二年信都國順陽

郡名注見漢惠帝永興二年襄陽郡名注見漢獻帝建安十三年

書法

執善辭也力屈而被執也

秦陷彭城淮陰

謝玄帥衆萬餘救彭城軍于泗口欲遣間使報戴遂而不可得郢曲將田泓請沒水潛往玄遣之為秦人所獲厚賂使云南軍已敗泓偽許之既而告城中曰南軍垂至勉之秦人殺之彭超置輜重於留城玄揚聲遣軍向留城超聞之釋彭城圍引兵還保輜重遂帥衆奔玄超遂據彭城留徐襲守之南攻盱眙俱難克淮陰留集覽遂丑反正誤逃竄伏遂即避字集覽音邵保戌之

切本玉篇當讀作
遜晉書音義同
質實
泗口即泗水之口主見秦始

帝天嘉元年一統志云留城在徐州沛縣東南二十
三里張良遇漢高祖處後高祖欲封良三萬戶良曰
願封留足矣即此淮陰縣
名注見漢獻帝建安元年

三月詔減省用度

詔以疆場多虞年穀不登其供御所須事從儉約九
親供給衆官廩俸權可減半凡諸役費非軍國事要
皆宜質實九親猶言九
停省質實族之親也

夏四月秦陷魏興太守吉挹死之

秦韋鍾拔魏興吉挹引刀欲自殺左右奪其刀會秦
人至執之挹不言不食而死秦王堅歎曰周孟威不

屈於前丁房遠紫已於後吉祖沖開口而死何晉氏之多忠臣也挹參軍史穎逃歸得挹臨終手疏詔贈益州集覽孟威周旭表字也秦獲其母遂降常有不被刺史集覽孫之語秦待之彌厚彥遠丁穆表字也被執秦欲官之質實祖冲吉挹穆固辭不受質實表字也

五月秦陷盱眙進圍三阿謝玄連戰敗走之

秦俱難彭超拔盱眙執內史毛璪之遂圍田洛于三阿去廣陵百里朝廷大震臨江列戍謝玄自廣陵救三阿難超戰敗退保盱眙六月玄進攻之又敗退屯淮陰玄遣何謙等帥舟師乘潮而上夜焚淮橋難超退屯淮以北玄謙等共追之戰于君川復大破之難超北走僅以身免玄還廣陵加領徐州刺史秦王堅大怒徵超下廷尉超自殺難削爵為民謝安為相秦人屢入寇衆心危懼安每鎮以和靜其為政務舉大綱

不為小察時人比安於集覽三阿屬高郵軍今北阿
王導而謂文雅過之鎮是在晉為三阿唐為

下阿徐敬業屯兵下阿質實一統志云三阿地名即
溪魏思溫破之即此北阿鎮在揚州府高郵

州城外九十二里在晉為三阿唐為下阿是也君川
地名未詳處所賄縣名注見秦二世二年廣陵郡

名注見漢武帝元朔五年淮南徐
州注見秦始皇二十八年彭城

秦大饑

庚辰五年秦建元十六年春秦復以苻重為鎮北大將軍守薊質

薊薊縣名注見漢
帝立更始二年

書法書復以何譏貳過也謀反而赦赦而復用故
書譏之復以為之辭有四有改過之辭有貳

過之辭有不能令之辭有因人之辭苻重鎮北將軍魏蕭寶寅西道大都督唐宇文融勸農使蜀張格同平章事唐嚴旭蓬州刺史史晉馮暉朔方節度南唐馮延巳平章事皆譏貳過者也詳漢文帝十四年

發明苻重既有反逆之罪赦而不誅已為過矣况又委之重任乎故特書復譏之

秦作教武堂

秦作教武堂於渭城命太學生明陰陽兵法者教授諸將朱彤諫曰陛下四海之地什得其八宜稍偃武脩文乃更始立學舍教人戰鬪之術殆非所以馴致升平也且諸將百戰之餘何患不習於兵而更使受教於書生非所以彊其志氣也此集覽馴致音循無益於實而有損於名聖乃止以漸而致曰

馴致質實

一統志云渭城在西安府長安縣秦孝公所居之城即此

書法

書教武何譏讀武也故雖以諫止猶書之終綱目書作堂三漢靈帝萬金泰王聖教武唐

武后天堂

皆譏也

發明

按分注堅作教武堂朱彤諫之而止今綱目書之則若未嘗止者堅兵強地廣務勝不休

方且作堂教武求逞其欲雖有朱彤之諫然其志嚮已不可移特筆書之亦所以見其本志也夫豈

過哉

夏四月秦幽州刺史苻洛及苻重舉兵反秦遣兵擊之

斬重擒洛赦之考異

擊當作討斬當作誅

秦行唐公洛勇而多力能坐制奔牛射洞犁耳自以
有滅代之功求開府儀同三司不得由是怨憤秦王
堅以洛為益州牧洛謂官屬曰孤不得入為將相而
又投之西裔於諸君意何如治中平規曰主上窮兵
黷武民思息肩者十室而九宜聲言受詔盡幽州之
兵南出常山陽平公必郊迎因而執之進據冀州總
關東之衆以圖西土天下可指麾而定也洛從之四
月帥衆七萬發和龍堅遣將軍竇衝呂光討之北海
公重悉薊城之衆與洛會屯中山五月衝等與戰敗
之擒洛送長安重走還薊光追斬之幽州悉平堅赦
洛不誅徙西海郡司馬公曰夫有功不賞有罪不誅
雖堯舜不能為治況他人乎秦王堅每得反者輒宥
之使其臣狙於為逆行險徼幸雖力**集覽**西裔猶言
屈被擒猶不憂死亂何自而息哉
者言如衣**質實**常山郡名注見漢光武建武九年和
之裔末**質實**龍注見帝奔太和四年龍城中山郡

名注見周威烈王二十三年西
海郡名注見元帝建武元年

書法

書反矣不書討何知有天討者不若是矣故
書擊重嘗謀反救之矣於是而復與洛反則

赦之不能使人自新可知也斬重當矣復赦洛焉
謂之何哉綱目書曰擒洛赦之譏出虎於柙中也

以謝安為衛將軍與桓沖並開府儀同三司

朝廷以秦兵之退為謝
安桓沖之功故有是命

六月秦以苻融為中書監都督諸軍錄尚書事苻丕為
冀州牧苻暉為豫州牧

秦王堅以諸氏種類繁滋分三原九峻武都汧雍氏
十五萬戶使諸宗親領之散居方鎮如古諸侯以其

子長樂公丕鎮鄴平原公暉鎮洛陽石越梁譙毛興
王騰等皆為諸州刺史堅送至至蜀上丕所領氏三
千戶別其父兄皆慟哭趙整因待宴援琴而歌曰阿
得脂阿得脂博勞舊父是仇綏尾長翼短不能飛遠
徙種人留鮮卑一旦緩集覽諸氏正義曰今成州武
急當語誰堅笑而不納州等是風俗通云氏本
西南夷種漢地志云武都有白馬氏魚豢魏畧云漢
置武都郡排其種類分竄山谷或號青氏或號白氏
三原今京兆府耀州有三原縣按耀州古耀州也九
峻山名在馮翊谷口其地常陰故西京賦云九峻甘
泉涸陰沍寒峻本作麥祖紅反武都注見漢獻帝建
安二十四年沂雍注見漢光武建武六年雍注見
周顯王一統志云三原古地名即漢之池陽縣
八年地晉時苻秦置三原護軍以其地在清
鄴原孟氏原白鹿原間故名後魏改為三原縣屬北
地郡後周屬馮翊郡隋屬雍州唐初屬北泉州後復

屬雍州五代唐屬耀州宋金元俱仍舊本朝因之改屬西安府九峻山名在西安府醴泉縣西北六十二里高六百餘丈平原郡名注見漢光武建武五年鄠縣名注見漢獻帝建安十五年

秋九月皇后王氏崩冬十一月葬定皇后

辛巳六年

秦建元十七年

春正月立佛精舍於殿內

帝初奉佛法立精舍於殿內引諸沙門居之左丞王雅諫不從棲曰精舍精練行者之所居顏師古曰講讀之所亦曰精舍也
集覽精舍佛寺也釋迦譜云息心所

書法

佛自明帝時入中國漢永平八年未有書立佛舍者書立佛舍識尚夷教也於內殿蓋非

所矣是故孝武之立精舍以於內殿書是年肅宗之置道場以於三殿書唐上元二年武宗之立望

僊臺以於禁中書唐會
昌三年皆譏之譏也

發明

佛西域之神也不論有無姑就其本法言之
清虛寂滅者也今內殿何地乃立精舍於中

況又雜引沙門輩居之
哉直筆書之其失自見

二月東夷西域六十二國朝貢于秦○夏六月朔日食

○冬十一月秦寇竟陵桓沖擊破之遂拔管城獲其將

閻振吳仲質寶

一統志云竟陵晉之郡名治竟陵縣梁
又置沔陽郡後周兼置復州治建興縣

隋初郡廢以州徙治竟陵尋復舊治大業初改為沔州
及改建興曰沔陽尋改為沔陽郡唐初又改為復州治
竟陵尋移治沔陽天寶初復改為竟陵郡乾元初復為
復州仍治竟陵五代晉改為景陵郡漢周俱復舊宋廢

復州以景陵隸安州元祐初復置端平中移治沔陽鎮
即今治所元改為復州路又改為沔陽府領玉沙景陵
二縣本朝初改為沔陽州併玉沙縣入
馬直隸湖廣道管城注見秦王政三年○江東大饑

壬午七年秦建元春三月秦司農符陽侍郎王皮尚書郎

周虓謀反事覺徙邊

秦東海公陽及王皮周虓謀反事覺收下廷尉秦王
堅問其反狀陽曰臣父哀公死不以罪臣為父復仇
耳堅泣曰哀公之死事不在朕皮曰臣父丞相有佐
命之勲而臣不免貧賤欲圖富貴耳堅曰丞相臨終
託卿以十具牛為治田之資未嘗為卿求官知子莫
若父何其明也虓曰世荷晉恩生為晉臣死為晉鬼
復何問乎先是虓屢謀反左右請殺之堅曰孟威烈
上秉志如此豈憚死乎殺之適足成其名耳皆赦不

誅徙陽高昌皮廬朔方之北以皮集覽十具牛風俗
凡永清修好學擢為幽州刺史通云北俗三

牛為一具以荷一質實孟威周廬表字高昌西夷國
犁十具三十牛也名注見齊明帝建武四年

書法廬晉臣也降秦不書此何以書罪之也廬不
受秦官義也故不書其降以全之至是為尚

書郎則秦臣矣始復異謀是二心也於是以反
書之與苻陽等同科守志不忠者可以鑒矣

秦徙鄴銅駝馬飛廉翁仲于長安質實銅駝馬注見惠
帝太安元年飛

廉注見漢武帝元封二年翁
仲注見成帝咸康二年

書法魏徙鍾虓索駝不書書鑄銅人此徙耳則其
書何重勞民也魏嘗欲徙銅人矣重不可致

然後更鑄魏不能徙而秦徙
之其不卹民甚矣特書罪之

秦以苻融為征南大將軍

謀伐
晉也

夏五月幽州蝗考異

幽上漏
秦字

蝗生廣袤千里秦王
堅遣使發民撲除之

八月秦以裴元畧為巴西梓潼太守質實

巴西郡名注
見漢獻帝建

安十九年梓潼郡名注
見獻帝建安十八年

考異 提要八月
上有秋字

為伐晉故使
密具舟師也

九月秦遣將軍呂光將兵擊西域

車師鄯善入朝于秦請為鄉導以伐西域之不服者
因如漢法置都護以統理之秦王堅以呂光為都督
總兵十萬以伐西域陽平公融諫曰西域荒遠得其
民不可使得其地不可食漢武征之得不補失臣竊
惜之質實車師西域國名注見漢武帝元鼎二年鄯
不聽質實善西域國名注見漢武帝元鼎三年西域
國名注見漢成
帝元壽二年

桓沖遣兵伐襄陽

桓沖遣將軍朱綽擊襄陽焚踐質實
汜北即汜水之
汜北屯田掠六百餘戶而還

建安十三年

書法

國而書伐襄陽一城耳其書伐何不以
襄陽予秦也於是秦陷襄陽四年矣

冬十月秦會羣臣于太極殿

秦王堅會羣臣于太極殿議曰今四方畧定唯東南一隅未霑王化計吾士卒可得九十七萬欲自將討之何如左僕射權翼曰昔紂為無道三仁在朝武王猶為之旋師今晉雖微弱未有大惡謝安桓沖皆江表偉人君臣輯睦未可圖也太子左衛率石越曰今歲鎮守斗福德在吳伐之必有天殃且彼處長江之險民為之用殆未可伐也堅曰天道幽遠未易知以吾之衆投鞭於江足斷其流又何險之足恃乎於是羣臣各言利害久之不決堅曰此所謂築室道旁無時可成吾當內斷於心耳羣臣皆出獨留陽平公融問之對曰今伐晉有三難天道不順晉國無釁我數戰兵疲民有畏敵之心羣臣言晉不可伐者皆忠臣也願陛下聽之堅作色曰汝亦如此吾復何望融泣曰晉未可滅昭然甚明且臣之所憂不止於此陛

下寵育鮮卑羌羯布滿畿甸太子獨與弱卒留守京
師臣懼變生肘腋不可悔也臣之頑愚誠不足米王
景畧一時英傑陛下常比之諸葛武侯獨不記其臨
沒之言乎堅不聽於是朝臣進諫者衆堅曰以吾擊
晉猶疾風之掃秋葉而內外皆言不可何也太子宏
曰今歲在吳分又晉君無罪若大舉不捷恐威名外
挫財力內竭耳堅曰昔吾滅燕亦犯歲而捷秦滅六
國豈皆暴虐乎冠軍慕容垂獨言於堅曰陛下神武
威加海外而巖爾江南獨達王命豈可復留之以遺
子孫哉詩云謀夫孔多是用不集陛下斷自聖心足
矣晉武平吳所伏者張杜二三臣而已若從衆言豈
有混一之功乎堅大悅曰與吾共定天下者獨卿而
已堅銳意欲取江東寢不能旦融復諫曰自古窮兵
極武未有不亡者江東雖微弱然中華正統天意必
不絕之堅曰帝王歷數豈有常邪惟德之所在耳堅
素信重沙門道安羣臣使衆間進言堅與遊東苑曰

朕將與公南遊吳越泛長江臨滄海不亦樂乎安曰
陛下應天御世居中土而制四維自足以比隆堯舜
何必櫛風沐雨經畧遐方堅不聽所幸張夫人諫曰
天地之生萬物聖王之治天下皆因其自然而順之
故功無不成黃帝服牛乘馬因其性也禹濬九川障
九澤因其勢也后稷播殖百穀因其時也湯武率天
下而攻桀紂因其心也今朝野皆言晉不可伐陛下
獨決意行之妾不知何所因也自秋冬以來鷄夜鳴
犬哀嗥廐馬多驚武庫兵器自動皆非出師之祥也
堅曰軍旅之事非婦人所當預堅幼子說最有寵亦
諫曰國之興亡繫賢人之用舍今陽平公國之謀主
而陛下違之晉有謝安桓冲而陛下伐之臣竊惑焉
堅曰天下大集覽三仁太史公曰孔子稱微子去之
事孺子安知集覽箕子為之奴比干諫而死殷有三
仁焉何晏曰按謂仁者愛人三人行本異而乃同稱
曰仁者何也以其俱在憂亂而寧民也夏侯玄曰微

子仕之窮也箕子比干志之窮也故或盡材而止或盡心而留皆其極也致極斯君子之事矣是以三仁不同而歸其一揆也見宋世家左衛率注見惠帝元康九年歲鎮守斗福德在吳歲鎮二星名居其宿為守也斗二十八宿中一宿也斗之分野在江湖江湖吳地也漢天文志曰歲星所在之國不可伐可以伐人天官書曰鎮星中央土一名地侯歲鎮二宿二十八歲而周天其所居國吉索隱曰歲星所在其國有福故曰質實築室道旁無時可成注見漢章帝元和福德三年作舍道邊三年不成景畧王猛表字詩云謀夫孔多是用不集詳見詩小雅小旻篇張杜謂張華杜預也歷數謂帝王相繼之次第猶歲時氣節之先後也沙門注見漢明帝永平八年梯風沐雨注見周世宗顯德五年禹滹九川障九澤禹貢九川謂弱水黑水河水漢水江水沅水淮水渭水洛水也九澤謂大陸雷夏孟豬滎澤大野彭蠡震澤雲夢

荷澤也

秦大熟

秦劉蘭討蝗不能滅有司請徵下廷尉秦王堅曰災降自天非人力所能除此由朕之失政蘭何罪乎是歲大熟蝗不食麻豆

書法

此天所以驕秦而滅之也故特書之終綱目書大有年四有年二大熟一大稔四稔一詳

漢明帝永平九年

發明

前書東夷西域六十二國朝貢于秦此書秦大熟非美之也正以著天稔其惡而驕之使

陷於覆亡之禍而不自知爾

癸未

八年

秦建元十九年

夏五月桓冲帥師伐秦拔筑陽

桓冲帥眾十萬伐秦攻襄陽別將攻筑陽拔之秦道慕容垂來救進臨沔水夜命軍士人持十炬繫于樹

枝光照數十里冲懼退還上明表其兄子石民集覽

領襄陽太守戊夏口自求領江州刺史詔許之筑陽屬順陽郡筑音竹又音逐按順陽漢南鄉也南鄉注見穆帝永和十年

質實

一統志云筑陽

漢之縣名屬南陽郡晉屬順陽郡梁改為義城縣隋改為穀城縣屬襄州唐宋金元俱仍舊本朝因之改

屬襄陽府沔水注見漢獻帝建安十三年上明城名注見太元

二年江州注見漢武
帝元鼎五年豫章

秋八月秦王堅大舉入寇詔征討都督謝石冠軍將軍

謝玄等帥師拒之

秦王堅下詔大舉民每十丁遣一兵其良家子年二十已下有材勇者皆拜羽林郎又曰其以司馬昌明為尚書左僕射謝安為吏部尚書桓沖為侍郎先為起第良家子至者三萬餘騎拜趙盛之為少年都統是時朝臣皆不欲堅行獨慕容垂姚萇及良家子勸之陽平公融諫曰垂長戎之仇讎良家少年皆富饒子弟不閑軍旅何可聽也堅不聽八月遣融督張蚝慕容垂等步騎二十五萬為前鋒以姚萇為龍驤將軍督益梁州諸軍謂曰昔朕以龍驤建業未嘗輕以授人卿其勉之實衝曰王者無戲言此不祥之徵也堅默然慕容紹言於垂曰主上驕矜已甚叔父建中興之業在此行也堅遂發長安戎卒六十餘萬騎二十七萬九月至項城涼州兵始達咸陽蜀漢兵皆順流而下幽冀兵至于彭城東西萬里水陸齊進運漕

萬艘融等兵三十萬先至潁口詔以謝石為征討大
都督謝玄為前鋒都督與將軍謝琰桓伊胡彬等督
眾八萬拒之時都下震恐玄入問計於謝安安夷然
答曰已別有旨既而寂然遂命駕出遊山墅親朋畢
集與玄圍碁別墅安慕常方於玄是日玄懼便為敵
手而又不勝安遂遊陟至夜乃還桓沖深以根本為
憂遣精騎三千入援安固却之曰朝廷處分已定兵
甲無闕宜留以防西藩沖歎曰安石有廟堂之量不
閑將畧今大敵垂至方遊談不暇遣諸不經事少
年拒之眾又寡弱天下事已可知吾其左社矣

集

覽

以龍驤建業初苻健之入關也夢天神遣使者朱
衣赤冠命拜堅為龍驤將軍使翌日授之卒建帝

業驤音相墅承與反田廬

質實

司馬昌明孝武帝姓
遊陟陟登也遊山登高也

戲言晉世家云周成王五年王與弟叔虞削桐葉為
珪戲曰吾以此封若史佚請擇曰王曰吾與之戲爾

史佚曰天子無戲言言則史書之禮成之樂歌之遂
封叔虞於堯之故墟曰唐侯項城縣名注見梁武帝
太清二年咸陽縣名注見周顯王十九年潁口即潁
水之口注見漢後主建興二年謝石陽夏人萬之弟
謝琰同上縣人安之子桓伊譙國
人左社注見漢靈帝中平二年

發明不曰秦大舉入寇而必曰秦王堅者此行秦人舉國皆不欲獨堅遠衆決意向南向是以綱目特書之以
著堅之罪也

以琅邪王道子錄尚書六條事實琅邪郡名注見漢光武建武九年

冬十一月謝石謝玄等大破秦兵于肥水殺其大將苻

融秦王堅走還長安

秦陽平公融等攻壽陽克之胡彬退保硤石融進攻之梁成等屯于洛澗柵淮以遏東兵謝石謝玄等憚不敢進彬糧盡潛遣使告石等曰今賊盛糧盡恐不復見大軍秦人獲之送於融融馳使白秦王堅曰賊少易擒但恐逃去宜速赴之堅乃留大軍於項城引輕騎八千兼道就融遣朱序來說石等不如速降序私謂石等曰若秦衆盡至誠難與為敵今乘諸軍未集宜速擊之若敗其前鋒則彼已奪氣可遂破也十一月玄遣廣陵相劉牢之帥精騎五千趣洛澗成阻澗為陳以待之牢之直前渡水擊成大破斬之分兵斷其歸津秦步騎崩潰赴淮死者萬五千人於是石等水陸繼進堅與融登壽陽城望之見晉兵部陣嚴整又望見八公山上草木皆以為晉兵顧謂融曰此亦勦敵何謂弱也憮然始有懼色秦兵逼肥水而陳玄使謂融曰君懸軍深入而置陳逼水此乃持久之計非欲速戰者也若移陳小却使我兵得渡以決勝

負不亦善乎秦諸將皆曰我衆彼寡不如遇之使不得上可以萬全堅曰但使半渡我以鐵騎蹙而殺之蔑不勝矣融亦以為然遂麾兵使却秦兵遂退不可復止玄等引兵渡水擊之融騎畧陳欲以帥退者馬倒為晉兵所殺秦兵遂潰玄等乘勝追擊至于青岡秦兵大敗自相蹈藉而死者蔽野塞川其走者聞風聲鶴唳皆以為晉兵且至晝夜不敢息草行露宿重以饑凍死者什七八初秦兵小却朱序在陳後呼曰秦兵敗矣衆遂大奔序因與張天錫皆來奔獲堅所乘雲母車及儀服器械不可勝計復取壽陽堅中流矢單騎走至淮北饑甚民有進壺飧豚髀者堅賜之帛辭曰陛下厭苦安樂自取危困臣為陛下陛下下為臣父安有子飼其父而求報乎弗顧而去堅謂張夫人曰吾今復何面目治天下乎潛然流涕是時惟慕容垂所將三萬人獨全堅以千餘騎赴之世子寶言於垂曰此時不可失願不以意氣微恩亡社稷之言

重垂曰彼以赤心投我若之何害之天苟棄之何患
不亡不若保護其危以報德徐俟其釁而圖之既不
負宿心且可以義取天下慕容德曰此為報仇非負
宿心也垂曰吾昔為太傅所不容置身無所秦王以
國士遇我後復為王猛所賣秦王獨能明之此恩何
可忘也若氏運必窮吾當懷集關東以復先業耳悉
以兵授堅謝安得驛書知秦兵已敗方與客圍碁攝
書置牀上了無喜色圍碁如故客問之徐答曰小兒
輩遂已破賊既罷還內過戶限不覺屐齒之折石等
歸建康得秦樂工能習舊聲於是宗廟始備金石之
樂堅收集離散比至洛陽衆十餘萬慕容農謂垂曰
尊不迫人於險其義聲足以感動天地夫取果於未
熟與自落不過晚旬日之間然其難易美惡相去遠
矣垂善其言行至澠池言於堅曰北鄙聞王師不利
輕相煽動臣請奉詔書以鎮慰之堅許之權翼諫曰
垂勇畧過人世豪東夏譬如養鷹饑則附人每聞風

颶之起常有凌霄之志正宜謹其條籠豈可解縱任所欲者堅曰卿言是也然朕已許之匹夫猶不食言況萬乘乎若天命有廢興固非智力所能移也翼曰陛下重小信而輕社稷臣見其往而不返闕東之亂自此始矣堅不聽翼密遣壯士邀垂於河橋垂疑之自涼馬臺結草筏以渡堅至長安哭陽平公融而後入集臨見硤石山名在今安豐軍按寰宇記云兩岸相對淮水經中過山上立二城以防津要故名硤石山八公山在安豐壽春縣北四里苻堅伐晉望山上草木皆人形即此是已滁州來安縣西南十三里八公山此乃淮南王安與八公悲石處又無為軍巢縣西八公山此亦淮南王遇八仙處憮然憮音武廣韻注失意貌三蒼云怪愕之辭也青岡在安豐軍太壽春三十里昔為太傅所不容太傅慕容評也先嘗謀誅慕容垂故垂奔秦風質實壽陽郡名注見齊颶軍遙反說文扶搖風也

一統志云硤石山名在鳳陽府壽州西北二十五里
山兩岸相對淮水經其中禹所鑿舊蹟猶存山上嘗
立二城以防津要洛澗二水名洛水注見漢光武建
武三年澗水源出河南府澠池縣白石山東流經新
安洛陽入於洛周書所謂澗水東瀍水西即此二水
劉牢之彭城人八公山在鳳陽府壽州西北二十五
里淝水之北淮水之南晉謝玄禦苻堅陣肥水堅望
見八公山上草木皆為旌旗狀秦師遂敗即此肥水
注見齊主寶卷永元二年肥口青岡城名在鳳陽府
壽州西二十五里晉謝玄等禦秦軍時所築澠池縣
名注見漢光武建武三年食言注見穆帝永和十
一年河橋注見武帝太始十年涼馬臺未詳處所

書法

書大舉何泰恃衆也故下書大破秦兵書殺
其大將快辭也前書大熟繼書大舉此書大

破然則恃天幸
者可以鑒矣

發明

晉淝水之捷亦有天幸然綱目歸功謝石等者是時謝安為相政事和平石等才能稱職

上下輯睦固自有勝秦之理彼苻堅恃其強大屢勝而驕不知晉雖微弱無蒙可乘輕舉妄動傾國南下固自有敗亡之理故雖草木人形風鶴王師而綱目則書石等大破秦兵不書秦兵自敗者將使後世以人事為重而不以天幸為心此書法之深意也

以謝石為尚書令進謝玄號前將軍固讓不受

書法

書不受何嘉能讓也入綱目除拜書不受多矣未有書固讓者書固讓深嘉之也

書不受十九不拜一讓還一書固讓者一而已

發明

前書石等大破秦兵厥功懋矣今而進職固其宜也然石等推而弗居出於由衷故特書

固讓不受以美之後世有未能制敵而冒賞邀功者視此得無愧乎

○以王國寶為尚書郎

謝安嘗王國寶坦之之子也安惡其為人每抑而不
用由是怨安國寶從妹為會稽王道子妃帝與道子
皆嗜酒狎昵國寶乃諧安於道子使離間之安功
名既盛而險詖求進之徒多毀短安帝稍疎忌之
寶會稽郡名注見漢和帝永元元年王國寶晉陽人

初開酒禁增民稅米口五石

書法

書初何謹始也綱目重取民故謹書之書增稅始此終綱目戶稅書增二足年唐德宗建

中三年增稅錢雜稅書增二唐德宗建中二年文宗太和九年

○秦呂光攻龜茲

呂光行越流沙焉耆等諸國皆降
惟龜茲王帛純固守光進攻之
質實焉耆西域國名注見新莽

始建國五年龜茲西域國名注見漢光武建武
二十二年流沙河名注見漢元帝初元三年

秦將軍乞伏國仁叛據隴右

國仁本隴西鮮卑居勇士川為秦前將軍從秦王堅
入寇叔父步顏聞秦師敗率隴西叛之秦使國仁討

之國仁遂與步顏合**集覽**乞伏國仁隴西鮮卑人其
衆至十萬據隴右
上世如弗斯驍勇善騎射

諸部推為統主號乞伏可汗傳子至裔統司繁為苻
堅將王統所襲部衆叛降於統司繁亦詣統降堅署

為南單于留之長安
質實隴西郡名注見
秦王政三年

合
丁零翟斌起兵攻洛陽秦使慕容垂討之垂叛秦與斌

慕容垂至安陽修好於長樂公丕丕身自迎之趙秋
勸垂於座取丕因據鄴起兵垂不從丕謀襲擊垂侍
郎姜讓諫曰垂反形未著而擅殺之非臣子之義不
如侍以上賓嚴兵衛之密表情狀聽敕而後圖之丕
從之館垂於鄴西垂潛與燕故臣謀復燕祚會丁零
翟斌叛秦謀攻洛陽秦王堅驛書使垂討之石越言
於丕曰垂有恢復舊業之心今復資之以兵此為虎
傅翼也丕曰垂在此常恐為肘腋之變今遠之於外
不猶愈乎乃以羸兵弊鎧給之又遣苻飛龍帥氏騎
一千為之副密成飛龍曰垂為三軍之帥御為謀垂
之將行矣勉之垂請入鄴城拜廟丕弗許乃潛服而
入亭吏禁之垂怒斬吏燒亭而去石越言於丕曰垂

反形已露可因此除之王曰淮南之敗垂侍衛乘輿
此功不可忘也越退告人曰公父子好為小仁不顧
大計終當為人擒耳垂留慕容農及楷紹於鄴行至
安陽聞王與飛龍謀因激怒其衆曰吾盡忠於苻氏
而彼專欲圖吾父子吾雖欲已得乎乃停河內募兵
旬日間有衆八十夜襲飛龍氏兵盡殺之以書遺秦
王堅言其故而慕容鳳等亦各帥部曲歸翟斌會秦
豫州牧平原公暉遣毛當討斌鳳擊破斬之垂遂濟
河焚橋有衆三萬遣人告農等使起兵農等遂以晦
日將數十騎微服出鄴奔列人止於烏桓魯利家利
為之置饌農笑而不食利謂其妻曰惡奴郎貴人家
貧無以饌之奈何妻曰郎有雄才大志今無故而至
必將有異非為飲食來也君亟出遠望以備非常利
從之農謂利曰吾欲集兵列人以圖興復卿能從我
乎利曰死生唯郎是從農乃詣烏桓張驥覽為虎
說之驥再拜曰得舊主而奉之敢不盡死

集覽

為虎
傅翼

傳讀曰附著也韓詩外傳母為虎傅翼將飛入邑擇人而食列人城名烏桓魯利魯利烏桓人也烏桓注

見漢宣帝本始三年惡奴句絕魯利呼其妻名云郎貴人郎猶稱郎君指慕容農也契丹志云北朝親近

無職事者呼為郎君正誤惡奴今按此乃戲罵質實安陽縣名其妻之辭非名也

永興元年丁零北狄種名注見漢武帝天漢元年河內郡名注見漢桓帝延熹九年平原郡名注見漢光

武建武五年一統志云列人城名在廣平府肥鄉縣東北二十里列人堤上梁惠成王伐邯鄲取列人即

此漢為縣屬廣平國唐初竇建德據廣平郡又嘗置營于此處

書法翟斌書起兵何羌也書討何羌也垂則曷為書叛受秦命也是故起兵者皆書擊惟羌則

書討泓沖不書叛惟垂則書叛綱目之修內外君臣之分而已矣

甲九年

秦建元二十年○燕世祖慕容垂元年○後秦太祖姚萇白雀元年○舊大國一新大國二比

三偕國

春正月慕容垂自稱燕王大破秦兵斬其將石越

正月朔長樂公丕大會賓客請慕容農不得始覺有變遣人四出求之乃知其人在列人已起兵矣慕容鳳勸翟斌奉垂為盟主斌從之垂至洛陽平原公暉閉門拒之斌勸垂稱尊號垂曰新興侯吾主也當迎歸反正耳垂以洛陽四面受敵欲取鄴而據之乃引兵東至滎陽葦下固請上尊號垂乃稱燕王立統府承制行事封德為范陽王楷為太原王翟斌為河南王帥衆二十餘萬自石門濟河長驅向鄴而農亦驅列人居民為卒斬桑榆為兵裂襜裳為旗使趙秋說屠各及東夷烏桓各帥部衆數十赴之攻破館陶收其

軍資器械取康臺收馬數千匹於是步騎雲集衆至數萬推農為驃騎大將軍監統諸將隨才部署上下肅然農以垂未至不敢行賞趙秋曰軍無賞士不往今之來者皆欲建功規利宜承制封拜以廣中興之基農從之於是赴者相繼農號令整肅軍無私掠士女喜悅長樂公王使石越討之農曰越有智勇之名今不南拒大軍而來此是畏王而陵我也必不設備可以計取之衆請治列人城農曰今起義兵唯敵是求當以山河為城池何列人之足治也越至列人西農參軍趙讓請急擊之農曰彼甲在外我甲在心畫戰則士卒見其外貌而憚之不如待暮擊之可以必克今戰士嚴備以待毋得妄動越立柵自固農笑曰越兵精士衆不乘其初至之銳以擊我方更立柵吾知其無能為也向暮農鼓譟出陳于城西牙門劉本帥壯士四百騰柵而入農督大衆隨之大敗秦兵斬越越與毛當皆秦驍將相繼敗沒秦人騷動盜賊羣

起垂至鄴改元服色朝儀皆如舊章農引兵會垂遂
立世子寶為太子封拜王公百餘人丕使姜讓誚讓
垂垂曰孤受主上不世之恩故欲安全長樂公使赴
京師然後修復舊業永為鄰好若不以鄴城見歸當
窮極兵勢恐單馬求生亦不可得也讓厲色責之曰
將軍不容於家國投命聖朝燕之尺土將軍豈有分
乎主上與將軍風殊類別一見傾心親如宗戚寵踰
勲舊一旦因王師小敗遽有異圖長樂公受分陝之
任寧可拱手輸將軍以百城之地乎將軍欲裂冠毀
冕自可極其兵勢但惜將軍以七十之年懸首白旗
高世之忠更為逆鬼耳垂默然左右請殺之垂曰彼
各為其主耳何罪禮而歸之上秦王堅表請送丕歸
長安堅怒復質寶新興侯故燕主慕容暉也秦封為
新興侯時在長安居各注見漢桓
書切責之

帝延熹元年館陶魏郡館陶縣今屬濮州故城在今
縣西南七十里南鎮是也受分陝之任以慕容丕比

周公召公也注見惠帝太安元年周召之法懸首白旗周武王以黃鉞斬紂頭懸太白之旗質實

一統志云新興東漢之郡名治曲陽縣晉初因之後改為晉昌郡後魏置肆州隋復立新興郡尋廢郡置忻州取界內忻水為名大業初州廢後復立新興郡唐初又改為忻州天寶初為定襄郡乾元初復為忻州金屬太原府元改為九原府尋復舊本朝以秀容縣入省改屬太原府滎陽郡名注見秦莊襄王元年范陽國名注見漢帝玄更始二年涿郡太原郡名注見齊明帝建武三年河南郡名注見秦莊襄王元年三川石門堤名注見漢明帝永平十二年館陶漢之縣名屬魏郡三國魏屬陽平郡晉時石趙徙陽平郡治此後周置毛州隋廢毛州以縣屬武陽郡唐屬魏州宋金俱屬大名府元屬濮州本朝因之改屬東昌府長樂郡名注見秦二世二年信都國

遣將軍劉牢之伐秦拔熊城桓沖伐秦拔魏興上庸新

城質實

熊城注見元帝建武元年魏興郡名注見漢後主建興八年西城上庸郡名注見周赧王十一

年新城郡名注見漢獻帝建安二十五年○二月荆江都督豐城公桓沖卒

沖聞謝玄等有功自以失言慙恨成疾而卒諡曰宣穆朝議欲以玄為荊州刺史謝安自以父子名位太

盛又懼桓氏失職怨望乃以桓石民質實一統志云

為荊州桓石虔為豫州桓伊為江州豐城晉之

縣名本漢豫章郡南昌縣地三國吳分置富城縣晉移治豐水西改名豐城縣隋初廢尋復置改曰廣豐

屬洪州仁壽初復曰豐城後廢唐初復置五代梁時改為吳皋唐復改曰豐城宋仍舊元陞為富州本朝復為豐城縣屬南昌府

燕王垂圍鄴

燕王垂攻鄴拔其外郭長樂公王退守中城垂築長圍守之關東六州郡縣多降於燕秦征東府官屬疑參軍高泰有貳心泰懼與同郡吳韶逃歸渤海韶曰燕軍近在肥鄉宜從之泰曰吾以避禍耳去一君事一君吾所集覽肥鄉縣名屬洛州今廣平是質實一統志云肥鄉三國魏之不為也按洛州今廣平是

縣名屬廣平郡晉因之後魏省入臨漳縣隋復置屬磁州後屬洛州唐省清漳縣入焉宋金元俱仍舊本朝因之改屬廣平府勃海郡名注見漢獻帝建安八年南皮

燕擊秦枋頭館陶取之

燕范陽王德擊秦枋頭取之東胡王晏據館陶為鄴中聲援夷夏不從燕者亦尚衆燕王垂遣太原王楷

與陳留王紹擊之楷謂紹曰今大業始爾人心未治
唯宜綏之以德不可震之以威乃屯于辟陽紹帥騎
數百往說王晏晏降於是民夷降者數十萬口楷留
其老弱置守宰以撫之發其丁壯十餘萬與晏詣鄴
垂大悅曰以兄弟才兼文武足以繼先王矣
集覽 楷頭注見成帝咸和八年
質實 鄴縣名注

見漢獻帝建安十五年辟陽縣名注見漢文帝三年

三月以謝安為太保○燕慕容泓起兵華陰慕容沖起
兵平陽秦遣苻叡擊泓敗死夏四月叡司馬姚萇起兵

北地自稱秦王考證

當分註是為後秦○謹按凡例曰凡諸國號從其本稱或屢更易即

從史家所稱而於建國之始即註云是為某國

泓為秦北地長史聞燕王垂攻鄴亡奔關東收集鮮卑還屯華陰其眾遂盛自稱雍州牧秦王堅謂權翼曰不用卿言使鮮卑至此關東之地吾不復爭將若泓何乃使廣平公熙鎮蒲坂徵鉅鹿公叡都督中外諸軍事配兵五萬以實衝為長史姚萇為司馬以討泓平陽太守慕容冲亦起兵於平陽進攻蒲坂堅使竇衝討之泓聞秦兵且至懼帥眾將奔關東叡猛輕敵欲馳兵邀之姚萇諫曰鮮卑皆有思歸之志故起而為亂宜驅令出關不可遏也夫執鼯鼠之尾猶能反噬於人但可鳴鼓隨之彼將奔敗不暇矣叡弗從與戰果敗見殺萇遣其長史詣堅謝罪堅怒殺之萇懼奔渭北馬牧於是天水尹緯尹詳南安龐演等糾煽羌豪五萬餘家推萇為盟主萇自稱秦王進屯北地羌胡降者十餘萬

集覽

廣平注見漢哀

帝建平元年華陰注見漢獻帝興
質實廣平縣名注
平二年蒲坂注見周赧王十二年
見漢光武建

武二十年鉅鹿縣名注見楚義帝元年襄國平陽郡
名注見周威烈王二十三年鼯鼠注見宋順帝昇明
元年天水郡名注見漢光武建武元
年南安郡名注見漢後主建興六年

書法

垂書叛矣泓冲書起兵何燕餘也興滅繼絕
綱目所予也故恕之然則垂非燕餘乎受命

討羌反與羌合非泓冲比矣是故起兵一也翟斌
羌種則書討泓冲燕餘則書擊綱目之權衡審矣
哉甚書獻司馬則叛秦也曷為不以叛書甚既戰
敗遣人謝罪堅怒殺之甚懼遂奔馬牧於是尹詳
推甚則非甚心也綱
目於此有以亮之矣

發明符堅敗北羣寇乘之如蝟毛而起然垂甚一
體之人垂既書叛甚乃書起兵何耶垂受堅
知遇之厚非甚之比堅使垂討翟斌而垂反與斌
合故書叛以正其罪若甚則佐獻獻不能用其諫

輕敵敗死，其方恐懼，遣使謝罪。堅乃怒而殺之。是驢之使亂也。故書起兵以原其本。無叛意，爾然堅驕，遂失道，自取敗滅。故翟斌泓、冲輩皆以起兵書之。又以為強大不務德，黷武事，遠畧者之鑒也。

秦苻定苻紹以信都高城降燕質實

信都縣名。注見秦二世二年。一統志

云高城，漢之縣名，屬渤海郡。本春秋時無棣邑。魏晉因之，隋置浮水縣，尋改高城為鹽山縣。以地有鹽山，故名。大業初，以浮水縣省入唐武德中，於縣置東鹽州。貞觀中，州罷，以縣屬滄州。宋金元俱仍舊。本朝因之，改屬河

府間

秦遣兵擊慕容冲，破之。冲奔華陰，泓遂逼長安。

秦竇衡擊冲，破之。冲奔華陰，泓眾至十餘萬。遣使謂秦王堅曰：吳王已定關東，可速備。大駕送家兄皇帝。

還鄴都與秦以虎牢為界堅大怒召慕容暉責之曰卿之宗族可謂人面獸心不可以國士期也命暉以書招諭泓沖及垂暉密遣使謂泓曰吾籠中之人必無還理且燕室之罪人也不足復顧汝勉建大業聽吾死問便即尊位泓於是進向長安

竟陵太守趙統伐襄陽克之質實

竟陵郡名注見太元六年襄陽縣名注見

漢獻帝建安十二年

○梁州刺史楊亮帥兵伐蜀屯巴郡質實

梁州

注見周赧王四年漢中蜀郡名注見武帝秦始皇八年巴郡注見周顯王七年

○五月秦洛州

刺史張五虎據豐陽來降質實

洛州注見元帝太興元年上洛一統志云豐陽

漢之縣名屬商州魏晉因之唐析置安業縣屬雍州乾元初改乾元縣屬京兆尋又屬商州五代漢改乾祐縣

宋仍舊元廢之本朝於廢縣北二
十二里始置鎮安縣改屬西安府
○六月崇德太后褚

氏崩○秦王堅擊後秦敗之

後秦王苻堅進北地秦華陰北地新平安定羌胡降
之者十餘萬秦王堅自帥步騎二萬以擊之後秦兵
屢敗軍中無井秦人塞安公谷堰水以困之有渴死
者會天大雨後秦營中水三尺營外寸餘而已後秦
軍復振堅歎曰
天亦祐賊乎
質實
新平郡名注見漢桓帝延熹五
年安定郡名注見漢光武建
武元年安公
谷未詳處所

燕諸將殺慕容泓立沖為皇太弟考證
當去皇字○謹
按古者立嗣必

子立子必嫡禮也不幸君死無子而統不可絕或子幼
未足承統然後立弟亦禮之宜況古無皇太弟之名其

名始見於西晉已非禮矣慕容垂因苻堅之敗而復國慕容泓及弟冲亦皆起兵諸將殺泓立冲為皇太弟焉有殺其兄而弟為太弟者乎當是時冲能率眾聽命於垂共成燕業可也何必自立西燕之號紛紜篡弑卒滅於垂是以非禮之名未有能傳世者矣綱目據事直書以監後世燕非正統例故當去皇號云

慕容泓謀臣高蓋等以泓德望不如冲且持法苛峻乃殺泓立冲為皇太弟承制行事置百官後秦王長遣其子嵩為質質實為質注見周顯王四十年質焉於冲以請和

燕將軍慕容麟拔常山中山慕容冲大破秦兵遂據阿

房城

秦平原公暉帥洛陽陝城之眾七萬歸于長安秦王堅聞冲去長安浸近乃引兵歸遣暉拒冲戰於鄭西

沖大破之遂據阿房城

質實

鄭西鄭縣之西注見太元十六年長安縣名注見漢惠帝五年阿房

城注見秦始皇三十五年阿房

秋七月秦梓潼太守壘襲以涪城來降質實

梓潼郡名注見漢獻

帝建安十八年涪城縣名注見漢光武建武十二年

○葬康獻皇后○燕殺丁零

翟斌

翟斌恃功驕縱邀求無厭又以鄴城久不下潛有貳心太子寶請除之燕王垂曰河南之盟不可負也若其為難罪由於斌今事未有形而殺之人必謂我忌其功能吾方收攬豪傑以隆大業不可示人以狹失天下之望藉彼有謀吾以智防之無能為也斌果密與秦長樂公王通謀事覺垂殺之質實鄴城

注見漢獻帝建安十五年都

秦呂光大破龜茲入據其城

龜茲王帛純窘急重賂僧胡以求救僧胡王引諸國兵七十餘萬以救之呂光與戰大破之帛純出走光入其城城如長安市邑宮室甚盛光撫寧西域咸思甚著遠方諸國前世所不能服者皆來歸附光立帛純弟震為質實僧胡國龜茲王西域國

八月燕王垂解鄴園趨新城

初燕王垂以鄴城猶固會僚佐議之右司馬封衡請引漳水灌之從之垂行園因飲於華林園秦人密出兵掩之矢下如雨垂幾不得出冠軍隆將騎衝之垂僅而得免至是鄴中芻糧俱盡削松木以飼馬垂曰

苻丕必無降理不如開丕西歸之路以謝秦王疇昔
之恩乃解圍趨新城遣慕容農拘清河平原徵督祖
賦農明立約束均適有無軍令嚴整
集覽冠軍軍隆冠
無所侵暴由是穀帛屬路軍資豐給
軍將軍慕容
容
質實漳水注見漢高帝十年華林園未詳處所新
隆
城縣名注見漢武帝元光二年武州塞清河
郡名注見漢安帝建元元年甘陵
平原郡名注見漢光武建武五年

遣都督謝玄率師伐秦取河南

太保安奏請乘苻氏傾敗開拓中原以玄為前鋒都
督帥桓石虔等伐秦玄至下邳秦徐州刺史趙遷棄
彭城走玄進據之使彭城內史劉牢之攻秦兗州刺
史張崇崇棄鄆城奔燕牢之據鄆城河南城堡皆來
歸
集覽鄆城注見漢獻
帝興平元年
質實河南地名注見宋
主昱元徽元年

發明

人臣專兵之事前已論之詳矣今此謝玄伐秦則書遣與前此謝石等拒秦則書詔者是

時謝安為相命出朝廷是以書法如此使晉之征伐皆能若是又安有跋扈制朝之事哉噫

加太保安都督十五州諸軍事假黃鉞質實

假黃鉞注見漢後主

建興六年

○慕容冲進逼長安質實

長安縣名注見漢惠帝五年

○冬十

月朔日食○謝玄遣兵攻秦青州降之○燕慕容興文殺

劉庫仁

庫仁欲殺苻丕發鴈門上谷代郡兵屯繁峙燕慕容興文之子文在庫仁所知三郡兵不樂遠征因作亂夜攻庫仁殺之竊其駿馬奔質實

鴈門郡名注見秦王政三年上谷郡名注

同上年代郡注同上年繁時
縣名注見懷帝永嘉四年

加謝玄都督七州軍事

秦長樂公王進退路窮謀於僚佐司馬楊膺請自歸
於晉王未許會謝玄遣劉牢之等據碭礧郭滿據滑
臺顏肱劉襲軍于河北襲克恭陽王懼乃遣參軍焦
達致書於玄稱欲假途求糧西赴國難達與參軍姜
讓密告楊膺改書為表許以王師之至當致身南歸
且議王若不從則逼縛與之於是玄遣晉陵太守滕
恬之渡河守黎陽朝廷以兗青司豫既平
加玄都督徐兗青司冀幽并州諸軍事
史炤曰碭口勞反礧五勞反然二字俱在五爻韻又
礧本作碭按大宋重修廣韻注碭口交反礧五爻反
碭礧城名今濟州是出音譜滑臺本春秋鄭之廩延
邑後魏置東郡又改滑州黎陽注見漢成帝綏和二

集覽

碭礧城名

年質實

一統志云礪礪晉之戎名屬濟北郡宋因之後周於此置肥城縣隋屬濟州唐初屬東秦

州後屬兗州宋省入平陰縣金因之元復置肥城縣本朝因之改屬濟南府晉陵郡名注見隋煬帝大業十二年毗陵徐兗青司豫冀幽并八州名徐注見秦始皇二十八年彭城兗注見周安王五年青注見漢桓帝永康元年司注見秦莊襄王元年三川豫注見周赧王三十七年陳冀注見秦二世二年信都幽注見唐高祖武德四年并注見齊明帝建武三年

後秦王苻攻新平

後秦王苻聞慕容冲攻長安會羣僚議進止皆曰宜先取長安建立根本然後經營四方苻曰燕人因其衆思歸以起兵若得志必不久留關中吾當移屯嶺北廣收資實以待秦亡燕去然後拱手取之耳乃留

長子興守北地自將其衆攻新平初新平人殺其郡將秦王堅缺其城角以耻之新平民望深以為病欲立忠義以雪之及長至太守苟輔欲降郡人馮傑等諫曰昔田單以一城存齊今秦猶連城過百奈何遽為叛臣乎輔喜曰此吾志也但恐久而無救郡人橫被無辜諸君能爾吾宣顧生哉於是憑城固守後秦為土山地道輔亦於內為之或戰地下或戰山上後秦之衆死者萬餘人輔詐降以誘長長將入城覺之而返輔伏兵邀擊幾集覽以為病猶言耻也田單獲之又殺萬餘人以一城存齊戰國燕攻齊下齊七十餘城齊君出奔田單走保即墨以距燕卒盡復齊城事在周赧王三十六年質實闕

注見唐玄宗開元十一年京兆

十二月秦殺其新興侯慕容暉

鮮卑在長安城中者猶千餘人慕容廆與慕容暉謀
伏兵殺堅事覺堅召暉廆曰吾相待何如而起此意
肅曰家國事重何論意氣堅乃并鮮卑無少長男女
皆殺之燕王垂幼子柔與太子寶之子盛乘間得出
奔慕容冲

燕王垂復圍鄴謝玄遣劉牢之救之且饋之粟

書法

凡書救予義也此其書救何譏忘讎也故苻
丕請帥不書書救之且饋之粟且也者甚辭
也

發明

春秋書救未有不善之者況調人因急則其
善尤不可如是故救鄭救許經所以予伯主
安夏之功而歸粟于蔡傳所以美諸侯周亟之義
今晉人救鄴饋之以粟綱目特筆書之亦予之乎

曰經有詞同而義異者亦有因襲以見貶者又有
言在此而意在彼者要在觀其時察其事考其旨
意之所在則得之矣晉遷江表僅足以延不氓之
祀夫何秦人屢寇疆場陷梁益陷襄陽陷魏興特
書屢書不一書而止顧方大舉入寇必欲蕩平吳
越而後已幸而天誘其衷淮肥秦捷是晉君無國
而有國晉臣無家而有家也今苻丕乃堅之子困
於寇敵以計投我特恨不能奮戈相待況從而援
之乎夫救災恤鄰自古有之然救災可也救讐則
不可也卹鄰可也卹寇則不可也晉人不知大義
輕助讐賊綱目書此若曰既遣將救虜又且饋之
以粟且之一詞所以示其不足於晉人之意也不
然既以救為善而又以饋粟為
綢窮之義則失綱目之旨矣

○秦梁州刺史潘猛棄漢中走質實

梁州注見周赧王
四年漢中漢中郡

名注同
上年



御批資治通鑑綱目卷二十一